

DISPUTATIO MEDICA

IN A U G U R A L I S,

D E

H Y P O C H O N D R I A S I,

Q U A M,

ANNUENTE SUMMO NUMINE,

Ex Auctoritate Reverendi admodum Viri,

GULIELMI ROBERTSON, S. S. T. P.

ACADEMIÆ EDINBURGENÆ PRÆFECTI;

N E C N O N

Amplissimi SENATUS ACADEMICI consensu,

Et nobilissimæ FACULTATIS MEDICÆ decreto,

P R O G R A D U D O C T O R I S,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

*Eruditorum examini subjicit*

J O A N N I S C O W L I N G,

BRITANNUS.

Prid. Id. Septemb. hora locoque solitis.

E D I N B U R G I:

Apud BALFOUR, AULD, et SMELLIE,

Academiae Typographos.

---

M,DCC,LXVIII.

Digitized by the Internet Archive  
in 2019 with funding from  
Wellcome Library

<https://archive.org/details/b30788390>

EDVARDO PEMBERTON, M.D.

IN OPPIDO WARRINGTON,

VIRO MORUM INTEGRITATE,

ET

ARTIS PROPRIAE PERITIA,

NEMINI SECUNDO,

HOC STUDIORUM PRIMUM EXEMPLUM

D. D. D.

JOANNES COWLING.

THE UNIVERSITY OF CHICAGO PRESS

CHICAGO, ILLINOIS

1900

THE UNIVERSITY OF CHICAGO PRESS

CHICAGO, ILLINOIS

1900

THE UNIVERSITY OF CHICAGO PRESS



# DISPUTATIO MEDICA,

DE

## HYPOCHONDRIASI.

**H**YPOCHONDRIASIS detorta ex Graeco sermone vocabulo HYPOCRATI, Morbi Reficcatorii nomine, forsitan nota<sup>(a)</sup> est. Eandem Diocles Carystius, Antigoni, post Alexandri Magni mortem, Asiae Regis medicus, haud obscure apud GALENUM <sup>(b)</sup> describit. Hic etiam describit; et Dioclem, quia in signis morbi, praecipue, ut ille rebatur, magis propriis tradendis, metum et moestitiam omiserat, etiam reprehendit. Memorant, AETIUS <sup>(c)</sup> apertius, obscurius PAULUS ÆGINETA <sup>(d)</sup>. Eundem morbum Arabes noverunt. Nec dubium est quin in omnibus calidis regionibus et sit et fuerit semper frequens.

A

*Definitio*

<sup>(a)</sup> Sennert. Pract. lib. 3. p. 5. § 1. <sup>(b)</sup> Lib. 9. de loc. affect. <sup>(c)</sup> Tetrab. 2. serm. 2. cap. 9. <sup>(d)</sup> Lib. 3. cap. 14.

## 2 DE HYPOCHONDRIASI.

### *Definitio Morbi.*

Est autem hic morbus longus, ubi ventriculi actio turbatur; idem et intestina inflantur; abdomen distentum dolet; alvus comprimitur; item alia vitiatæ concoctionis signa; postremo anxietas et moestitia apparent.

### *Historia Morbi.*

HYPOCHONDRIACORUM cibi desiderium enorme est, modo nausea et fastidium, modo magna, et alienae sæpe aut insolitæ materiae cupiditas usque adeo ut alii deliram quasi (e), alii sagam (f) dictam animadver-  
tam. Cibi assumpti male concoquuntur, concoctionem ventriculi aegritudo et dolor plerumque comitantur. Cruda et viscida progenerantur. Quin et vomitus haud raro incidit. His affectibus aciditas subest, cujus propria sunt ventriculi morsus, proprius quidam in eo molestiae sensus verbis inexplicabilis; circa ejusdem os dolor acutus, Pyrosis Suecica Sauvagesio dicta, ructus acidissimi (g), et rejectæ per vomitum fordes ita acres, ut dentes stupefaciant et pannos carbaceos

(e) Fraeass.

(f) Hoffm.

(g) Hoffm.

carbasseos rodant. Haec et similia alia stomacho propria sunt: Quem praeterea inflatio molestissima saepe exercet.

INFLANTUR crebro intestina, loca praesertim sub costis spuriis, interdum circa umbilicum, et quaelibet abdominis, distenta intumescunt. Saepe in hypochondrio sinistro durior et discretus magis tumor percipitur (*b*); nec raro ibidem ac subtus ventriculum pulsatio immanis sentitur (*i*). Hinc circa umbilicum (*k*) in sinistro hypochondrio (*l*), praecipue in tenuium intestinorum regione (*m*), graves dolores, cruciatus, contortiones, et murmura grassantur; cruciantur et interdum tergum venterque quasi nephriticis aut colicis doloribus (*n*). Compressae alvi consuetudo est (*o*), eadem paucis hominibus profluit; aliis plerisque pertinacissime constringitur (*p*); et  
in

(*b*) Fracass. (*i*) Fracass. (*k*) Willis. (*l*) Hoffm.

(*m*) Willis. (*n*) Hoffm.

(*o*) Mandiville. Quid, quod conspirans in renum regione dolor calculum saepenumero mentiatur?

(*p*) Cullen praelect. Mandivillius casum cujusdam hominis refert cujus alvus, ex fluente primo quoque tempore, paulatim ita compressa fuerit, ut sine dejectione triduum vel quatuor dies evaderet, nec leniter purgantibus facile moveretur.



#### 4 DE HYPOCHONDRIASI.

in iisdem aliquando hominibus, hae vices contrariae alternatim cernuntur. Pari ratione flatus nunc retinentur, nunc aut supra aut infra emissi modo dictarum turbarum levamen breve adferunt; cito magno cum proventu iterum renascituri (*q*). Postremo, cruda materies, quae ore saepe rejicitur, per alvum non sine murmure etiam prorumpit.

URINA (*r*) nonnullis crebra, difficilis, cum dolore, tenuis, diluta aut aquea (*s*), alba (*t*), et larga (*u*), redditur; aliquibus, et materiae arenam trahentis copia etiam subsidit (*w*): In plerisque nihil memorabile habet.

FAUCES nonnullis quasi stringuntur (*x*); pectus angustum coarctatur (*y*), et quasi oppletur; spiritus difficilis fit, et momento quolibet, vel levissimo, laborat (*z*). Nonnullis iustae asthmatis spasmodici accessiones (*a*), et per circuitus quoque contingunt; cordis tumores

(*q*) Hoffm. Fracass.

(*r*) Fracass

(*s*) Hoffm. Fracass.

(*t*) Hoffm.

(*u*) Fracass Riccard. Blackmore, Eques. Fracass.

(*w*) Hoffm.

(*x*) Hoffm.

(*y*) Willis.

(*z*) Willis.

Fracass. (*a*) Fracass.

mores et palpitaciones (*b*) subsunt. Idem opprimi videtur (*c*). Quod animi defectiones haud raro consequuntur (*d*). Arteriarum pulsus plerumque imbecilli, quam pro naturae modo magis (*e*); interdum citi nimis, hecticorum instar (*f*), explorantur.

SURGIT et ad caput crescentis mali impetus. Quod et extrinsecus et intus seu origine nervorum plectitur. Itaque modo totum id (*g*) modo dimidium (*b*) dolet; aut quasi vertigine circum rapitur (*i*). Certum sine adminiculo cadendi periculum (*k*), vel quasi ebriorum titubatio (*l*) est; tinniunt aures (*m*), auditur aegre, oculi caligant (*n*), aut cum dolore arescunt; duplicatur visus (*o*), franguntur vires, sensus omnes torpescunt, aut pro tempore quasi pereunt (*p*). Dolor ardens ac perquam molestus linguam certa saepius parte occupat,

(*b*) Fracass. Riccard. Blackmore. Hoffm. Willis.

(*c*) Willis.

(*d*) Willis. Blackmore.

(*e*) Blackmore.

(*f*) Blackmore.

(*g*) Hoffm.

Mand. Fracass.

(*h*) Hoffm. Fracass.

(*i*) Willis.

Fracass. Hoffm. Mandiville.

(*k*) Fracass.

(*l*) Mandiv. (*m*) Hoffm. (*n*) Fracass. Hoffm. Willis.

Mandivillii aegrotans, “in lecto,” inquit, “jacens quasi per nubeculas intueor.”

(*o*) Hoffm.

(*p*) Fracass.

## 6 DE HYPOCHONDRIASI.

occupat (*q*). Vultus modo rubescit, modo pallescit, aliquando extremis frigescentibus aestuat, aut his calentibus frigescit. (*r*) —  
Lacrimae volvuntur inanes.

UBERRIMA salivae profusio crebrum sputum facit, ut hoc morbo impleti ideo Sputatores nominentur (*s*). Frequens eos incubus et tristia somnia terrent; quibus interturbato somno neutiquam vigiles recreantur. Interdum sopor degravat (*t*); frequenter assidua vigilia inquietos et membra cum summa molestia jactantes excitat (*u*). Quae omnia mala durities alvi supra relatâ auget, mollities tollit (*w*); quo magis ex primarum viarum ac praecipue intestinorum turbis exorta esse credas.

VETERANTE jam morbo, mali vis altius in animum descendit; quippe qui levissima quaque vel nulla causa commotus, inquietus, sollicitus, meticulosus, suspicax, diffidens, profunde moerens, cum alia omnia, tum propriam salutem

(*q*) Hoffm. (*r*) Fracass. (*s*) Hoffm. Fracass. Memoratus a Mandevillio aeger quotidie mane jejuno os sibi limpida insipienti aqua oppleri, et alibi continuum sputum, in compressa alvo semper majus esse ei narravit.

(*t*) Blackm. (*u*) Mandiv. Blackm. (*w*) Mandiville.



salutem desperat; variis imaginibus luditur; memoriam, iudicium et acre quo hypochondriaci insignes esse solent ingenium demum perdit (*x*). Propositum nunc certi sequuntur, nunc incerti dubitant, aut mutati relinquunt, mox idem repetituri. Immodice interdum laetantur, cujus laetitiae brevem moram altiore deinceps et diuturno moerore luunt (*y*). Nullus homo, res nulla diu delectat, aliorum taedio ad alias voluptates usque festinantes.

Ad supra comprehensas turbas quaedam ad totum corpus pertinentia accedunt. Cutis pallida fusca est (*z*). Ubique vires franguntur, ubique languor (*a*) cum torpore (*b*) ab omni labore alienos reddit. Artus tanquam contusi (*c*) aut cuspidibus transfixi (*d*) dolent: Musculi et reliqua firma ultra modum rigescunt; iidem illi contracti immobiles haerent, vel medii, sicut et tendines seu fines eorum, subito saepe et varie subiliunt. Corpus crebris inflammatiunculis (*e*) distinguitur. Et praeterquam quod idem largis malisque sudoribus diducitur (*f*), omnes secretiones, excretiones omnes perversae (*g*) vitiantur.

Quibus

(*x*) Omnes. (*y*) Blackm. (*z*) Fracass. (*a*) Hoffm.

(*b*) Fracass. Hoffm. (*c*) Hoffm. (*d*) Idem.

(*e*) Idem. (*f*) Idem. (*g*) Idem.

## 8. DE HYPOCHONDRIASI.

Quibus tot tantisque malis ubique corporis  
laevientibus, et altissime tandem ei inhaeren-  
tibus, hoc paulatim contabescens (*b*), ad ex-  
tremam maciem redactum attenuatur.

*Quales hominum naturas morbus petat.*

HYPOCHONDRIASI implicantur aetate pro-  
vecti aut in senium vergentes; paucis ante  
annum tricesimum quintum contingit (*i*).

EIDEM, quibus cutis est minus tenera laevif-  
que, crassior, et per quam arteriae minus, venae  
magis tralucet, ut ideo totum summum cor-  
pus livido colore videatur; item nigris capillis  
multum fere crispatis praediti; denique ma-  
cri, certe sanguineis hominibus minus pleni  
ac nitidi; qui turgidis venis sunt; alvi duri-  
tiei, profusionibus sanguinis venosi affueti  
rursusque impeditis; impeditis perspiratione  
aut humore ad extrema tendere debito; po-  
stremo viri magis quam mulieres, omnes op-  
portuni sunt (*k*).

IDEM

(*b*) Hoffm.      (*i*) Idem. ab anno 20 ad 50 eam  
contingere dicit. Cullen praelect.

(*k*) Cullen praelect.

IDEM hic morbus in frigidis quam calidis coelis aut temporibus, nisi ad ardorem calor magis accedit, frequentius incidit; et postea quam coepit, in illis gravior, in his levior esse solet (*l*).

HYPOCHONDRIACI nunquam fere integrā valetudine utuntur, nec ulla fere ab aliquibus supra dictorum affectuum intervalla vacua norunt (*m*). Verum, praeter morbi in calore et frigore modo relatum discrimen, is alioquin quoque nunc pejor, nunc melior est, interdum ita lenis, ut quasi abire videatur, mox gravi cum accessione repetiturus.

Tum initia tum accessiones, modo accessiones dicendae sint, rarius repente, plerumque lente et paulatim incidunt. Hae aliis totos menses, aliis totos annos permanent, alii paucis diebus levamen supra dictum aliquando fortiuntur.

QUOD ad affectuum omnium ordinem attinet, primi semper et perpetui sunt intestinorum et ventriculi (*n*); proxime fere pectoris, tum capitis superveniunt; postremo labis animus fit particeps. Quaedam toti corpori communia maturius sed leviora se ostendunt; alia non nisi morbo provento et animo jam

B evidenter

(*l*) Cullen praelect. Hoffm. Mandeville. (*m*) Hoffm.

(*n*) Fracass. p. 242.



evidenter commoto ingruunt. Sed, licet alimenti canalis praecipue semper laboret, tamen, ut postmodo ostendetur, aliquando morbi origo etiam in toto corpore sita est.

HAEC morbi vere hypochondriaci generatim quasi fiunt, hoc ordine fere illae corporis regiones aegrotant, haec quasi stadia constanter cernuntur. Verum uniuscujusque stadii seu concursus mala, alia alio ordine, tum plura, tum pauciora, tum leviora, tum graviora, aliis hominibus et temporibus concurrunt (o).

### *Historia Causarum Remotarum.*

PERTEXTA affectuum et hominum naturarum qui curaturo medico se offerunt, ad causarum remotarum historiam deinceps procedam. Quas pariter ac illa, nullis interpositis rationibus, ita ut in curationibus et scriptorum monumentis apparent, exponere decrevi.

EARUM

(o) Fracass. loc. relat. Hoffm.

“ Et quis potest omnia ac singula eorum symptomatum  
 “ recensere ; quae quot adoriuntur individua, tot fere  
 “ diversas ludunt tragoedias.”

EARUM prima et longe maxime ad morbum faciendum efficax est labes a parentibus proli, forte nascendi, tradita; parentes hypochondriaci tales liberos gignunt. Quin et matres, si quo tempore gravidae erant, affectibus hysteri-  
cis aut quibuscumque animi gravioribus forte sunt commotae, infantes pariunt hypochondriaci opportunos, et iusta aetate in eam incisuros (*p*). Cujus causae tum effecta tum curationem a reliquis differre, postea demonstrabitur.

HUIC causae proximae sunt animi perturbationes, non subitae sed diuturnae, et illum mordere et deprimere consuetae; cujus generis, luctus, moeror (*q*), curae, sollicitudo inveterans (*r*), et similia sunt.

ALIA mali hypochondriaci origo est inquieta cogitatio, studia assidua, lucubratio (*s*); unde hic Eruditorum Morbus appellatus est (*t*), vel etiam in quaelibet negotia nimis, si modo si tempore, animus intentus. Quo fit, ut non soli studiosi, sed in magna negotiorum mole

(*p*) Hoffm. de mal. hyp. c. 6. § 19.

(*q*) Cullen praelect.

(*r*) Hoffm. Idem, § 23.

Vide observ. alteram Horstii, alteram Becklini de hac re apud Hoffm. loc. relat.

(*s*) Hoffm. idem, § 22.

(*t*) Omnes.

mole mercatores districti, et rerum publicarum administratores, gravibus et arduis occupationibus varie distenti; et acri magnoque ingenio quilibet id nimis exercentes, in idem malum omnes saepe sint impliciti.

CONCUBITUS nimius hypochondriasin facit; sed in sanguineis multo saepius quam in melancholica natura hominibus. Quippe his veneris impotentia vix unquam, illis millies usu venit; et semper fere nimiae amoris indulgentiae debetur, in iis vulgo qui ineunti aetate colem manu fricare consueverint (a). Hinc hypochondriaca alimentarii canalis, cum alia, tum praecipue falsae animi imagines, moestitia, metus, terror, vitae desperatio, plerisque exagitant.

PORRO, humor<sup>um</sup> inopia ejusdem morbi causis adnumeranda est. Cujus inopiae fons ipse canalis alimentarius certis morbis fluentibus exhaustus reperitur. Itaque diarrhoea et dysenteria, diu moratae, saepe talem istius canalis affectum relinquunt, qualis hypochondriasin efficiat (b). Eandem diabetes, si non facit,

(a) Cullen praelect. Hoffm. idem. saepius se vidisse testatur. T. path. § 2, enar. morb. observ. 10.

(b) Praelec. clin. Cul.



facit, tamen haud dubie coeptam fervat et alit (y). Ex qua humorum jactura, causa morbi frequentissima est, sanguinis sive sponte sive arte profluvium diuturnum. Ita sanguinis detractio, haemorrhoides, menstrua justo crebriora aut copiosiora, praesertim fluor albus, (z), nisi ubi subito magis incidunt; nam hoc ubi fit, in hysteriam magis quam hypochondriam inclinant (a); omnia initium morbo, item purgantia et emetica validiora (b), dederunt.

Ad has hypochondriasis causas hysteria frequens additur. Haec quae circa vigorem fere oritur, si ad tempus quo illa suboriri solet saepius repetens permanfit, minus aliquando sub propria forma faevit; sed multum mutata, omnia hypochondriasi propria deinde simul infert: Vel decedente altera, altera ita accedit, ut certo novae accessionis tempore vetera et minutissime permisceantur. Unde  
nomen

(y) Prael. clin. Cull.

(z) Moram inanitionis praecipue hic offendere luculento apud Mandevillum exemplo, relato, discitur ubi subita haemorrhoidum et larga profusio, quaeque nunquam ante inciderat.

(a) Hoffm. loc. relat. § 24. (b) Cull. praelect clin.

nomen huic speciei hystericum est impositum ; nec immerito, si canali alimentario illum statum, in quo hypochondriasis consistit, veterata hysteriae repetitio inducit. Qui diversi utriusque affectionis habitus, albedinis cum nigredine mixturae instar, ita confunduntur, ut utrum ad genus referendi sint, in incerto habeatur (c).

Ad numerum causarum etiam viscerum impedimenta accedunt. Quod certum est, ubi ab initio morbi malus habitus, ob sanguinem in venae portarum sinu congestum, animadvertitur, ubi jecoris aut lienis durities aliqua extrinsecus perferitur. Quae ipsae notae, postquam diutius jam morbus fuit, et si quae aliae ferius in cadaveribus explorantur, nihil significant aut fallunt, si quidem tali in re aeque effecta ac causae esse possunt ; eoque magis, quod in viscerum impedimenta hypochondriasin vetustam terminari est perpetuum (d).

Nec infrequens ejus origo sunt cujusvis humoris profluvia, ubi diutius permanferint, subito suppressa. Cujus rei multa documenta sunt (e). Itaque et diarrhoea et dysenteria (f) magis

(c) Prael. Cull.

(d) Id ibid.

(e) Hoffm.

l. r. § 24.

(f) Prael. Cull.

magis autem sanguinis profluvia, ut menstruorum et haemorrhoidum suppressa, id efficiunt (g). Prae caeteris, menstruorum suppressio ad hypochondriasin magis quam hysteriam ducit; si juniores excipias, huic magis semper opportunas, et nondum ea aetate ut illa periclitentur.

QUIN et omnium generum <sup>u</sup> pustulae aut exanthemata, quae summo corpore proruperint, retropulsa, fonticulorum, setaceorum, et ulcerum conglutinationes, hypochondriasin effecerunt (h).

DENIQUE, febres intermittentes maturius suppressas, in hypochondriasin transire multi medici crediderunt, scilicet certum accessionum numerum ad salutem necessarium opinantes, et morbum in medio illo cursu cum eventus periculo tolli statuentes (i). Verum,  
utut

(g) Prael, Cull.

(h) “ Sydenhamus numerum accessionum posuit, qui prius absolvi deberent, quam repellentia adhiberentur :  
“ Naturam enim materiam morbificam non aliter despu-  
“ mare.”

(i) Id. Hoffm. loc. relat. “ Et quid est,” inquit, “ frequentius, quam ex febrium intermittentium inopportuna suppressione aut improvido corticis Peruviani  
“ in ipsis, maxime si subiecta spissis humoribus praedi-  
“ ta,



utut haec se opinio habeat, sublatis casu aut temeraria curatione his febribus, affectus hypochondriacos exortos esse novimus (*k*).

Duo affectus restant qui hypochondriasmum movent, arthriticus et nephriticus.

ARTHRITIS etiam in extremis artubus canalem alimentarium, a cujus aliqua noxa feroritur, magnopere adfectat; usque adeo, ut multis affectus hypochondriaci podagrae adventum praenuncient.

PARI ratione, noxae ventriculi nonnullos nephriticos accessionis futurae praemonent.

HAEC fere causae mali hypochondriaci remotae sunt, e quibus totidem morbi species deduci (*l*) possunt; scilicet, 1mo, Congenita; 2da, Pathematica; 3tio, Cogitativa; 4to, Venerea; 5to, Ab humorum inopia; 6to, Hysterica; 7mo, Emphrastica; 8vo, A profluviis quibuscumque suppressis; 9no, A retropulso humore per cutem excernendo; 10mo, A febre intermittente

“ta, vitae sedentariae addicta, spasmiisque primarum viarum obnoxia, fuerint, usu hypochondriacam generare passionem; quam ex febre quartana subortam recenset Horstius, lib. 10. obs. 28. p. 189. Et ego ex tertiana natam haud raro vidi.”

(*k*) Cullen loc. relat.

(*l*) Idem.

intermittente intercisa; 11mo, Arthritica; 12mo, Nephritica.

ABSOLUTA affectuum morbi, hominum quos petit, et causarum historia, eae notae quibus a similibus morbis distinguendus est sunt exponendae.

### *Hypochondriasis et Hysteriae Discrimina.*

Si quis affectuum, hominum iis opportuno-  
rum naturae, et causarum species constituen-  
tium supra expositam historiam perpensam  
cum aliqua hysteriae accuratius pertexta com-  
paraverit, is profecto in omnibus his rebus  
alteram ab altera toto coelo distare mihi as-  
sentiet. Quae res quo manifestior sit, nonnul-  
las notas clariores, quibus hi morbi inter se  
dignoscantur, ordine quodam exponam; et ab  
affectibus primum incipiam.

IGITUR hypochondriasi magis propria est,  
cibi desiderii quaedam inconstantia, modo ni-  
mis magni, modo exigui nimis, modo etiam  
absurdi. Quae utique ab hysteria aliena est.  
In hac concoquendi munus rarius aut casu  
tantum, in illa perpetuo quidem et quasi jure  
quodam, laeditur. Hypochondriasi fere inhae-  
ret ventriculi et intestinorum inflatio; hyste-

riam spasmi cum convulsionibus magis designant. Illi contingens spasmus diuturnior et pertinacior est, huic violentior et brevior usu venit. Idem in hac abdominis musculos violenter introrsum contrahit, umbilicum introrsum et altius retrahit; in illa abdomen distentum magis prominet. Hystericiis regio lumborum acri ac incredibili frigore ita excipitur, ut manu imposita persentiri, nec calefactis vestibus temperari, queat: Item globus ab imo ventre ad gulam ascendit, et dolor punctum capitis aliquod clavi instar, unde nomen inditum, quasi terebrat; quorum nihil fere hypochondriaci experiuntur. Porro, his et animus rarius deficit, neque constrictio gulæ, quæ aliquando accidit, strangulationis periculum aut præsentem mortem intentat. Quorum utroque nihil in illis frequentius est, aut morbi naturam magis indicat. Denique, haud absurdum discrimen præbent in hystericiis omnia interdum mortis signa; usque adeo ut de iis conclamatum sit, ac sepulchris nonnullæ etiam fuerint reconditæ; in hypochondriacis pertinax sæpe de propria morte opinio, cum alioquin fatis quidem valerent. Quo fit ut de priorum morte aliis, de posteriorum ipsis, falso persuadeatur. Postremo, om-



nes adfectus, quotquot hypochondriasin componunt, multo constantiore, stabiliore, et diuturniore natura quam hysterici reperiuntur. Illi tarde ac paulatim adventant, hi subito; illi rarius integrae valetudinis intervalla, hi plerumque et longissima, fere habent. Firmata aut purior hypochondriasis vix unquam; hysteria firmitissima saepenumero ac interdum sponte naturae sanatur. Atque ex ipsis adfectibus haec discrimina fere trahenda sunt. Proxime, quomodo per habitus aut naturas eorum quos petunt iidem morbi discernantur, exponam.

HYPOCHONDRIASIS naturam melancholicam, hysteria sanguineam, plerumque et sua natura petunt. In illam magis implicantur habitus macri rigidiores, certe minus pleni ac nitentes, ubi cutis durior, asperior, crassior, per quam arteriae minus, venae magis translucet; unde summi corporis livens et plumbeus color; ubi capilli nigrescunt, et multum fere crispantur; ubi venae turgidae apparent; ubi alvi durities consueta est. Huic contra saepius objiciuntur ii, quibus cutis laevis, tenera, et mollis est, quam florens sanguineus color decorè transfulget; qui plenum aut pleniusculum habitum habent, ideoque  
forma

forma amabiliore praediti; quibus capilli candidi, pallidi, rubelli, et molles, venae neutiquam conspicuae sunt, nec in alvi habitu quicquam fere memorabile. Quod autem ad sexum attinet, mulieres saepe, viri saepissime, cum hypochondriasi conflictantur. Contra, hysteriam viri quidem sed rarissime, mulieres longe frequentissime, experiuntur. Quae quidem ex naturis et habitibus signa tracta sint. Alia ex rebus seu causis magis externis petenda adhuc restant.

HARUM praecipuus calor coelestis est. Itaque coelum frigidum hypochondriacis magis inimicum, calidum, nisi nimis sit, accommodatius reperitur. Contra, quo frigidiora tempora aut plagae sunt, eo magis ab hysteria opportuna defenduntur; ut ab hac observatione vix ullam exceptionem norim. Postremo, ad hunc locum rejeci discrimen haud ambiguum ex causis remotis ortum. Ergo

HYPOCHONDRIASIN faciunt causae magis internae, seu hominum naturis propriae; quales sunt animi perturbationes, non subito, non semel, non vi, sed consuetudine et diuturnitate moventes, et corpus debilitantes. Quarum praecipuus moeror est. Rursus hysteria magis a causis quas, quia in opportunos  
habitus

habitus agunt, occasionales potius dicas, pendere videtur; cujusmodi odores multi sunt; item ab animi perturbationibus, sed subitis, et non tam singulis quam pluribus et varie alternatim agitantibus.

*Hypochondriasis et Melancholiae discrimina.*

HYPOCHONDRIASIS a melancholia in hoc differt, quod melancholia iuxta sine vitio organico est, cum in illa canalis alimenti, ita ut supra dictum est, semper laboret. Verum utraque ita conjunguntur, ut melancholia sine hypochondriasi, haec nunquam aut raro sine illa adpareat. Praeterea melancholia saepe hypochondriasin, et exquisitam dictam, efficit; contra, solutis vitiis interdum organicis, hypochondriasis in melancholiam vertitur. Semper vero, ubi separati apparent, ita ut monstrari, dignoscendi sunt.

HACTENUS morbi affectuum, causarum, et discriminum, quantum maxime potuimus, fidelem historiam, vitatis omnibus contemplationibus, contexuimus. Nunc vero qualis corporis conditio in qua morbus consistat nobis videatur, quaeve ejusdem causa proxima,



xima, seu natura propria verisimilior sit, opinione nova periclitandum.

*De Tensione.*

ACTIONES et motus animalium ab elastico principio pendent. Quod principium non in humore secreto, quippe qui inelasticus sit, non in nervis aut hos cingentibus membranis, quorum illi elatere omni, hae etiam principio vitali carent, sed in humore elastico, consistit. Is aether nervosus est animalium, ut modo dictum est, actionum omnium, ideoque cogitationis et contractionis, seu motus muscularis, origo. Idem aether, ut causa cogitationem et contractionem, sua effecta, oscillationibus seu motibus propemodum infinite exilibus et elasticis, per cerebri et nervorum seu corporis, ubicunque est, medullofi instrumenta, praestat. Ii motus ab aliorum corporum in sentientia nervorum extrema agentium impulsu oriuntur. Unde per nervos pervios, nec ulla alia interjecta materia distinctos, ad cerebrum demissi, cogitationem; hinc per pariter perviorum nervorum chordas ad extrema motricia seu musculos continuati, contractionem

contractionem creant. Quin et contractio musculorum in contiguos nervos, nam nervi ubique, ideoque et motores, sentientes sunt, pro impulsu agens motum ad cerebrum dimittere; ideoque cogitationem facere, et ad extrema motricia, seu musculos alios eum continuare, ac proinde contractionem denuo ciere, potest. Quo fit ut totum iter quo aetheris nervosi oscillationes peraguntur ab omnibus toto corpore punctis, sive nervosis sive musculosis, ad omnia sit pervium, nec ulla materia alia quae liberas aetheris oscillationes undique et ubique interposita impediat invium praerumpatur (a).

PORRO, licet vim seu motum nervosum in ipsis nervis constare, aut eorum ab elatere, quippe qui nullus fit, pendere, aut etiam in eos cingentibus membranis, ob eandem causam, et quia a vi vitali alienae sunt, positam esse negaverim; et, e contrario, in humoris elastici seu aetheris nervis adhaerentis oscillationibus collocaverim; tamen ad has ipsas oscillationes faciendas, regendas, stabiliendas, et rite administrandas, certae firmitudinis conditiones

(a) Vide opin. Cull. in dissert. nuper. edit. G. R. Brown, de calor. animal. p. 25. c. 27.

tiones requiruntur. Quarum praecipua, et ad nostram rem maxime pertinens, tensio reperitur.

TENSIO duplex est: Mechanica et aetherea; haec Vis Tonica vulgo appellatur. De qua utraque, quia hypochondriasis naturam haud obscure illustrant, paucis sum, et prius de mechanica, dicturus.

CERTA pars firmorum animalium elatere simplici pollet; id quod fibrarum natura, mixtura, et compositio probat. Neque e plantarum natura quicquam tam elasticum quam ex animalium parari notum est. Quin et incertum est an etiam metallicis rebus eadem animalium fibrae minus elateris possideant. Atque id quidem in extinctis animalium fibris ita se habet. Verum, idem vivis contingere, non aeque manifestum est. Quod utique iis etiam quodam tenuis inesse quare credam ostendam. Primum aurem esse organum tremulorum motuum capax hinc patet, quod vibrationes aëreas capiens nervis transmittit, et sonorum sensum excitat. Et praeterea auris instrumentum manifesto ad id ipsum propria conformatione accommodatum videmus. Sed et totum corpus esse tremulum, et vibrationum capax, eo cernitur, quod uni alicui parti vibrationes



vibrationes admotae, ad reliquas omnes et totam corporis molem transfunduntur. Itaque deficientium aliquo casu aurium munus fit obitur. Quod insigni CAII BOERHAAVII, magni ex fratre nepotis, exemplo illustratur; qui, auditu quo ante fuerat praeditus privatus, in omni corporis parte audiendi instrumentum nactus est; ut libri de mensa casum, pes pavimentum premens, vocum aut musices sonorum significationes, manus loquentis humero aut instrumento musico imposita, cum docuerit. Atque corpora animalium esse tremulam materiae molem haec argumento sunt. Verum, licet, ut supra dictum est, actiones nostrae ab aetheris oscillationibus funditus pendent, ideoque firmorum tremores ab his ipsis funditus oriantur; tamen firma ipsa eo usque elastica sunt, ut proprio elatere mechanico quasi instrumenta, per quae elasticus aether agit, ejus oscillationes tantum adjutent, quantum auxilii ex eo elateris, quo tensioni mechanicae opus est, perveniat. Atque ea ipsa tensio, quatenus mechanico firmorum elateri innititur, iisdem legibus, quibus reliqua corpora elastice mechanica, paret. Quae corpora, nisi duobus extremis fixis, et media his chorda quodammodo tensa, valide agere nequeunt.

Posito igitur et partim probato mechanicam tensionem aethereis oscillationibus necessarium auxilium esse; quatenus sit auxilium quibusque partibus contineatur, porro inquirendum est. In musculis igitur mechanica tensio obtinet; ad quos tendendos partium quas sustentant pondus, musculorum antagonistarum, item moderatorum, actio, denique cavorum quae concludunt, postremo humorum per eos discurrentium distentio, faciunt. Praeterque haec, unusquisque ab alio aliquo, et quodammodo ab universis tensus servatur. Itaque, si digitum movere voles, musculus hunc moturus non contrahetur nisi a brachiali tenso sustentatus, qui primum punctum tensionis fixum praebet. Neque is quidem, nisi ab humerali, etiam tenso, suffultus contrahitur. Cui porro se contrahenti fulcrum scapula, scapulari truncus, truncali totum corpus, praebent. Ergo nullus musculus absque alius alicujus tensione, quam ultimo totius corporis pondus fulciat, movetur. Sic ubi aliquis summis niti viribus volet, spiritum quam plenissimum trahit, quo cavum truncum distendat, et tot musculis acturis actionis fulcrum praebat. Quin et ad plus tensionis et firmamenti agendi agentibus musculis dandum,

dum, etiam externis fulcris partium quarundam in magnis nisibus utimur. Quocirca tota actionis muscularis ratio huc redit, ut mechanicam tensionem necessariam concedamus. Cui rei insuper argumento est, quod ista tensio non certa et constante natura est, sed aliqua ex parte mutabilis variat; et praecipue tensionis aliam atque aliam necessitatem praefinit consuetudo. Nam licet natura tensionis necessariae instrumenta comparaverit, eadem tamen non constanter adhibere callet, sed in certas posituras ad certas actiones peragendas vi consuetudinis ducitur. Quarum positurarum, si diuturnior consuetudo fuerit, necessitas tandem ad illa agenda sequitur. Ita aliquem inepto more aliquid agere dicimus, qui tamen ei usu adeo necessarius est, ut constanter et valide agere aliter nequeat. Porro, ubi aliquis certi ponderis instrumenta ad aliquod opus faciendum adhibere diutius consuevit, diversi deinde ponderis uti instrumentis commode non poterit. Quam vero tensio mechanica necessaria sit exemplo infantium discitur, qui incedere incipientes, dato in manum idoneo pondere, id firmitus praestant. Haec igitur de qua dixi est tensionis vis externa. Restat ut de interna deinceps loquar.



PLENITUDO vasorum sanguiferorum per fibras musculares varie discurrentes, unum horum tensionis auxilium esse videtur. Simul sanguinis circuitus juvetne motum musculorum annon, aut quomodo juvet, inter physiologos nondum convenisse fateor. Verum, quin hunc ille, addita tensione, juvet, vix mihi dubitandum est. Quid enim verisimilius esse potest quam vasa, quae ubique transversim per fibras musculares distribuuntur, has magis aut minus, prout pleniora ipsa aut inaniora sint, esse distensura? Quod re vera incidere, sanguinis profluvia musculorum orbem debilitantia, argumento sunt. Quae, licet et aliter quodam tenus agant, tamen e vasis muscularis humorem auferendo, etiam agere videntur. Eandem ad opinionem confirmandam, aphorismus SANCTORII xxxvi pertinet, "Corporis pondus nobis induere robur," ad docentis. Neque xxxv et xciii aliter explicabiles sunt, quam vasorum sanguiferorum plenitudinem musculos omnes magis distendere ponendo. Quod idem porro verisimilius ratio qua per musculos vasa distribuuntur reddit. Nam, ut Halesiana experimenta docent, dum quaedam venae praecipue per fibrarum longitudinem rectius procedunt, in easdem  
rami

rami transversim seu ad rectos angulos immittuntur. Alii argumento est liquorum in cadaverum vasa immisforum effectus, quibus musculorum vim contractilem resuscitatam cernimus. Neque aliquid ponderis non ad haec argumenta hinc accedit, quod liquores in venas magis quam arterias sic immissi, illam vim resuscitant. Nam cum venae sic, ut modo dictum est, per fibras musculorum dispergantur, et unaquaeque harum contractio sanguinem e parvis venis in majores expressum recte ad cor propellat; fieri non potest quin sanguis sic turgescens et a musculis impulsus, in has prius distendendo agat, et causa altera tensionis sit. Postremo, cum quo validior, quo frequentior actio musculosa sit, eo magis per venas sanguis percitetur; ita priore unda propulsa, non deerit protinus succedens alia, quae tensionem usque fervet, aut, pro vehementiore musculorum actione, etiam ampliorem praestet.

ERGO, si hoc ita se habet, musculorum tensio non solum a fibrarum et musculorum inter se communione, sed etiam a vasis sanguiferis, pendet. Verum, praeter tensionem musculosam externam et internam, de qua jam relat-  
tum

tum est, suam quoque vasa sanguifera habent; ad quam transire proximum est.

QUOTIES cor agit, universae arteriae non solum per systolen, sed etiam tempore diaстоles, distenduntur. Quod dubium esse non potest, siquidem, ex toto quiescente corde, illae haud parva vi sanguinem citare pergunt. Quarum etiam in cadaveribus contractio nunquam non reperta, eas in vivo corpore distentas esse declarat. Haec autem vasorum sanguiferorum tensio in secunda valetudine toto corpore esse credenda est; atque ideo ita librari, ut mutatio qualibet una in parte in omnibus mutationem creet. Multa haecenus pathologi de sanguine alia vi et copia ad alias partes sub variis rebus dimisso locuti sunt. Verum ea derivationis et revulsionis, ut ii loqui consueverunt, doctrina difficilis intellectu est, neque sanguinis detractionis effecta explanat. Nam, si quantillum sanguinis missi totum saepe corpus adficiat consideretur, is effectus e copia sanguinis ex una quavis parte detracta non oriri videbitur; praesertim cum quod detractum est minimum prae totius corporis sanguinis esse statendum sit; ut e causa minima effectum maximum oriri non sit verisimile. E contrario, quoniam ita, ut supra monstratum est,

est,



est, tensio corporum variat, et levissima ejus in una parte inclinatio reliquas omnes magnopere inclinat; ea, quo modo sanguinis deductio agat, longe melius explicabit. Hoc igitur aliud tensionis genus est, quod quantum in nostrorum corporum ratione valeat, haud obscurum esse potest. Utque muscularis, tensio; ita haec, distensio, appellanda est.

ABSOLUTA tandem mechanica tensione; nemo nobis objiciat opinionem nostram parum sibi constare, dum in liquido elastico actionum animalium originem simul ponimus, simul ad elasticum tamen firmorum auxilium decurrimus. Decurrimus quidem ad id auxilium; sed solum auxilium idque instrumentarium est. Quod necesse est nobis concedatur, nisi si quis probandum postularet, eundem aethera non solum animalium actiones praestare, sed sine instrumentis quoque praestare. Est aliquid in natura medullosa quod communem aethera in animalium proprium vertit, et ut sic agat (*b*) efficit; est oscillationibus ejus stimulo etiam opus (*c*). Easdem reli-

(*b*) Vid. Cull. de hac re in disp. inaug. G. R. Brown, de calor hoc. ann. edita, p. 34.

(*c*) Ibid. p. 41.

quae corporis partes extra nervos, conformatione quadam aut organica natura, sustentant. In quem eundem finem firmorum proprietates quaedam, et ex iis mechanica tensio modo exposita, concurrunt.

SED neutra harum, five tendens musculorum, seu distendens vasorum vis, totius corporis tensionem omnem constituit. Alia adhuc maximi quidem ponderis et ex longe alia origine orta restat exponenda, ad quam deinceps transibo.

HAEC tensio quasi aetherea est. Nam aethere nervoso a cerebro, ut ante dictum est, per nervorum perviorum chordas ad musculos derivato, et has in contractionem ciente, (*d*) nascitur. Idem aether in musculis per aliquam brevem moram inesse, post omnem cum aethere nervoso seu animali communionem interceptam, potest; quod, nervo ad musculum eunte reciso et deleta, aut etiam protinus post mortem, contractio stimulo excitata ostendit. Sed ita inest, ut a communi derivatum illic substituisse, et jam magis magisque languere, et cito extinguere, videas. Et quoniam in eo sic in fibras musculares derivato, ibique sub-

(*d*) Vide Dissert. G. R. Brown, p. 27.

sistente, harum contractio, ab elatere prorsus  
 diversa, et vivis animalibus propria consistit,  
 Vis Contractilis Infit, ratione motus habita,  
 vulgo appellatur; quam nos, ratione etiam  
 tensionis habita, Vim tonicam adpellabimus.  
 Haec igitur vis tonica partim a fibrarum ela-  
 tere, sed multo magis ab aethere, nisi in casu-  
 bus monstratis, in musculos seu extrema mo-  
 tricia assidue derivato, pendet. Igitur cum  
 simplex elater plerisque corporibus sit, ut su-  
 pra dictum est, communis, ea vero contrac-  
 tilitas seu tonica vis vivis animalibus (nam;  
 quod in recens extinctis stimulus eam resus-  
 citat, id pro superstitis aliqua ex parte vitae  
 signo habemus) propria reperiatur; quantum  
 ea inter sese differant, facile demum videre est.  
 Eadem vis tonica, ut praecipua tensionis causa  
 est, ita maxime quoque variat. In quam va-  
 rietatem inquirere non est praesentis consilii:  
 Solumque dixisse ero contentus, fibrarum  
 animalium tensionem in tendentibus disten-  
 dentibusque potestatibus, ac vi tonica, inter  
 se aequaliter libratis, consistere. Quod quo-  
 modo in musculis et vasis sanguiferis fiat o-  
 mittam; et tantummodo dicam esse certas  
 corporis partes, quae et musculosae sunt, a  
 reliquorum musculorum natura hac in re di-  
 versas :



verfas: Talis alimenti canalis est, cujus motus, ita ut reliquarum partium, in musculosarum fibrarum actione consistit. Quarum utique in hac parte actio haud paulo diversa est ab ea quae in reliquis musculis et in vasis sanguiferis cernitur. Nam cava canalis memorati cingentes, nullam aequabiliter tendentem aut distendentem potestatem mechanicam habent, neque ulla vi aequabili contra agente librantur. Ergo, cum in vi tonica, et aliqua forsan ex parte vasorum sanguiferorum tensione, canalis alimentarii tensionis quicquid constantius et aequabilius est, consistat, simul ipse rerum intus contentarum modo abundantia modo inopia inaequaliter impleatur; igitur ut varie distendatur magisque quam reliqua corporis necesse est. Itaque, ob has res, et quia actiones hujus canalis corpori imprimis necessariae sunt, natura ei insignem sensibilitatem tribuit; rursusque, propter hanc ipsam sensibilitatem qua cerebro soli cedit, ut et variam illam distentionem, varia quoque irritabilitate in corpore pollebit. Quarum omnium rerum ratione fiet, ut haec pars praeter caeteris omnibus, cerebro excepto, unamquamque sive totius corporis sive partis alicujus tensione mutata adficiatur. Quin et ipso cerebro certis in casibus corporis vicissitudinibus

facilius

facilius movetur. Atque haec quidem de alimento canali natura quasi rationaliter dicta sint. Sed neque experimenta defunt, quae canalis ejusdem, praecipue ventriculi, tensionem, cum variis reliqui corporis tensionibus conjunctum esse, demonstrent. Ex multis hoc rebus probantibus, paucis ero contentus. Si stimulo (stimulum autem adpello non id solum quod contractionem musculosam, ut vulgo, sed etiam quod vim tonicam, et inde orientem tensionem, excitat) ventriculus, et tali quidem, qualis reliquarum omnium pro minimo tempore vim tonicam et tensionem ex ea pendentem in parte cui admovetur augeat, scilicet spiritus vini Gallici cyathus affuevit; nisi ipso tempore quo finita ejus actio tonica resolutionem seu tensionem imminutam reliquit, idem renovatur, id est. resumitur cyathus, resolutio permanebit; cujus effectus languor ad totum corpus perveniet. Languescent vasa sanguifera, ut cordis palpitationes et molestia debilem hujus actionem indicans demonstrat; languescent musculi, ut horum contractionum inconstantia ostendit. Contra, si cyathus resumitur, protinus idoneam tensionem ventriculus et totum corpus recipient, et fugato languore novus



vus vigor ad omnia membra omnes artus accedet; denique temporis puncto omnes illae molestiae discedent. Sic autem re vera tensionem moveri hoc exemplo apparet. Nam homines spiritum eundem bibendi consuetudini dediti, cum leviora pondera sine tremulis motibus gestare nequeant, graviora fati constanter gestabunt. Cyathum tenens manus tremit; pateram vino plenam firmiter sustentat. Cujus sine dubio firmitudinis causa est externi ponderis tensio, pari modo agens ac interna stomachi modo memorata. Similes deficientis tensionis molestias jejunos, similiter restitutae ejusdem effectum, renovata post cibum firmitudine, quisque experitur. Porro, praeter ventriculum, totius canalis alimentarii tensio cum corporis totius tensione conjungitur; id quod sterqus in amplis intestinis, aut aer in quovis eorum tractu conclusus, totum corpus varie male adficiens, et illis ejectis gratum naturae flatum reducens, probat. Talis autem harum rerum in intestinis distentio, quo modo omnium corporis vasorum distentionis sensum praebeat, et earundem rursus emissarum resolutio ut gratam ubique corporis resolutionem praestet, nemo nescire potest.

POSTREMO,



POSTREMO, evidentes partium musculosarum spasmi eadem causa nascuntur, et sublata tolluntur. Itaque multi, violentis, praesertim extremorum artuum, spasmodicis cruciati, eructato aëre, liberantur.

ERGO haec omnia inter se collata totum canalem alimentarium, sed praecipue ventriculum, mutua tensione et afficere totum corpus et ab eo affici demonstrant. Quam ob causam, et quia is magnus sacculus inaequaliter repletus, ideoque inaequali distensionis opportunus, simul insigniter sensibilis est; eundem insigniter quoque irritabilem fore apparet. Atque haec est quam in multis morborum praecipue nervosorum affectibus explicandis pathologi plerique sympathiam adpellarunt. Cujus vocabuli ineptitudinem, sola rerum in quibus usus ejus invaluit ignorantia, ideoque necessitas quaedam, excusat. Quod utique nullis unquam in rebus, quarum causae et effecta vel patent, vel rationabilius explicabilia sunt, recte aut philosophice adhibetur. Qui plura de sympathia scire velint, ii praelectiones CULLENI multorum discipulorum in manibus videant. Ibidem doctrina de tensione plenius explicata, et quaedam de ea, celato auctore, in disputatione inaugurali de

de frigida lavatione, quam juvenis quidam, medicinae lauream petens, nuper hic edidit, furrepta reperientur.

HAEC de tensione hypochondriasi illustrandae necessaria praefatus, ejus naturam altius explicare conabor.

*Natura Hypochondriasis.*

ARTERIAE animalium prima vitae parte, quanto a corde longius recedunt, tanto densiores, densae minus quam venae, reperiuntur. Eadem igitur cordis sanguinem impellentis vi assidua impulsa, resistentibus extremis finibus, resistentibus venis, reliquis vasis magis distentae turgent. Quae arteriarum distentio plethora dicitur. Sed haec ipsa arteriarum distentio magis magisque indies eas densat. Et, cum sic potestatibus resistentibus indies etiam magis contra resistent, ita plenitudo arteriosa indies decrescit; primumque propriorem extremorum finium vim superant. Quod circa pubertatem fit; quo tempore, in novis feminis et menstruorum profluviis, arteriolae excernentes ora relaxant, et sanguinis, arterias ante distendere consueti, partem

partem aliquam auferunt. Neque tamen adhuc arteriis tanta densitas contigit, ut sanguinis abundantiam in partem venarum inclinare possint; nam ad florem usque aetatis, superantibus venis, sanguis in arteriis magis abundat. Jam vero florente aetate hae potestates prorsus inter se librantur; et licet arteriae usque densari magis persistent, tamen ante tricesimum quintum annum vincere venas nequeunt. Ideoque toto hoc tempore in nulla una parte sanguis, sed in toto pariter corpore, abundat. Jamque densissimae arteriae sanguini amplius non cedentes, et venis densiores, eum in illas deinceps rejiciunt. Unde oritur plenus habitus venosus, per reliquam deinde vitam mansurus; atque hanc opinionem (a) WINTRINGAMIUS experimentis illustribus firmavit. Quod si ad hanc densitatem quam arteriae tandem nactae sunt, et unde venosa plenitudo pendet, rigor, sive quibusdam natus, seu casu incrementum, superadditur; quin talis corporis status morbo jam proximus eum inferat, non erit dubitandum.

## SANGUINIS

(a) Wintringam junior eques, Experimental inquiry on some parts of the animal structure.



SANGUINIS in venis abundantia hunc ex arteriis transeuntem, ideoque toto corpore circumfluentem, tardat. Qui tardior sanguinis circuitus aetheris nervosi oscillationes, quarum stimulus constantissimus sanguinis impetus est (a), insuper impedit quo minus in fibras musculosas ubique dividantur. Ideoque irritabilitate imminuta totum corpus torpebit. Rursus, ut vis tonica in iisdem oscillationibus consistit; iis deficientibus, tensio partium a vi tonica pendentium, ideoque prae caeteris ventriculi et intestinorum, deficient. Ergo plenitudo venosa habitum torpidum, ideoque omnium morborum in torpore positorum periculum, et sic quoque hypochondriasin, infert. Porro, causae hujus morbi remotae, etiam ubi corpus minus opportunum est, easdem oscillationes, eandem vim nervosam debilitando, eundem torporem, cum alibi, tum praecipue in intestinis, vi tonica imminuta, creabunt.

*Causa*

(a) Vide dissert. nuper edit. de calore animal. p. ima  
40. p. summa 41.

*Causa Proxima.*

EST igitur hypochondriasis causa proxima torpescens ventriculi et intestinorum status.

*Judicium Morbi futuri.*

JUDICIUM eventus pro specierum varietate variat. Congenita, item pathemata ac cogitativa, quatenus communis naturae participes sunt, et in vitae flaminibus originem positam, ac ideo toti corpori altius inhaerentem, fortuntur, raro absolutam sanationem capiunt: Quae tamen, observata quae postmodo traditur curatione, multum saepe leniuntur. Rursus, ubi duae posteriores ab infortuniorum aut curarum serie animas deprimente natae sunt,

Sunt verba et voces quibus hunc lenire dolorem  
Possis, et morbi magnam depellere partem (a).

QUIPPE, si idonea animi curatio adhibetur, et causis mali habitus sublatis hic resolvitur; effecta, nisi jam inveteravere et altiore aliquam

(a) Horat.

quam labem impressere, ex toto plerumque decedunt. Quae ipsa, ut paulatim, nam in hoc morbo vix quicquam subito fit, advenire, ita paulatim quoque solvi, consueverunt.

ATQUE de prioris quasi hypochondriaci generis specierum exitu haec dicta sint. Sed et reliquarum, quae neque in communem alicujus generis naturam conspirant, et a prioris ac justae hypochondriasis natura etiam paulo longius, aliae aliter, deflectuntur, judicium pro hac diversitate incertius est.

VENEREA, quae ne quidem in natura hypochondriaca sed prorsus diversa consistit, cum habitus, solis pro tempore causis quae tolli possunt, afficiatur, sublatis iis, tollitur.

TRIUM aliarum specierum, scilicet ab humorum inopia, ab infarctis visceribus et suppressis profluviiis natarum, et totidem morbos pro causis fortitarum, sub his praefagium finis quaerendum est.

HYSTERICA species, seu hysteria in hypochondriasin deflexa, adeo infinitis fere modis utriusque morbi permixtis et confusis signis constat, ut, prout horum facies in hunc aut illum magis inclinatur, pariter diversus finis praevidendus sit. Si plus hypochondriacae naturae subesse plura signa hypochondriaca ostendunt,



dunt, fimiliter pro ratione ac in congenita iudicandum eft; eoque magis, fi aetas provectior eft, neque corporis natura a propria hypochondriaca multum diverfa variat. Contra, ubi hyfteriae plura quam hypochondriafis figna eveniunt, ex illius morbi ratione trahendum eft praefagium. Solum hic dicendum eft, femper falutis reductae eo plus fpei effe, quo magis hyfterica praevalcant.

Quod ad fpeciem a retropulfo humore ortam attinet, hoc monendum arbitror, femper eventus melioris fpem dari, quo recentius hypochondriacum malum eft, et a caufa magis repentina ortum. Itaque hic nihil reftitutae faluti obftat praeter caufam evidentem. Verum, humores retropulfi facilius an difficilius ad fummum corpus, aut qua fpe, revocentur, ad iftius morbi rationem perti- nens quaefitio eft, eodem releganda.

DENIQUE, de fpeciebus quae reftant idem dicendum eft; quas tandiu duraturas, donec morbi unde funt permanebunt, non eft dubitandum. In ea autem quae a febre intermittente intercifa, vel potius interpellata, oritur, hoc praeterea metuendum, ne febricula, in vifceris alicujus, ut aliquando fit, impedimentum immedicabile delapfa, cito exitium  
ad-

adferat. Arthritica, cum a causa pertinaciter obstinata et longissima pendeat, ut ipsa longissima sit necesse est.

NEPHRITICAE eventus magis erit anceps, nisi quod hoc haud dubie ponendum est, affectus hypochondriacos, pro accessionum unde pendent nephriticarum absentia vel praesentia, minori aut majori vehementia abesse vel esse, leniri aut redintegrari, solere. Quo fit ut haec species in circuitibus toties posita sit.

AD supra dicta addendum est, malum hypochondriacum, prout a diversis malis magis purum est, ideoque in congenita specie, ut et reliquis, quae propius ejus accedant naturam, si recentius est, quodam tenus ita tractabilem esse, ut multum leniatur; si diuturnius aut jam inveterans est, curatione difficillimum, perraro in integram valetudinem, saepissime in atram bilem, viscerum impedimenta, duros tumores, cachexiam, hydropem, scorbutum, febrem hecticam, interdum in polypos exitiales, desinere.

*Ratio*

*Ratio Medendi.*

DIVERSAE mali hypochondriaci species hoc commune discrimen habent, quod, ut dictum est, aliae in totius corporis, aliae magis in alimentarii canalis torpore, consistunt. Ergo, in duo genera discedere videntur; alterum cum natura exquisite melancholica, alterum sine ea adparens. De illo igitur prius verba faciam; deinde specierum alterius tractabo. Igitur in eo,

Duo medendi consilia sunt: imo, Torporem seu imminutam corporis, et praecipue ventriculi ac intestinorum, irritabilitatem excitare, tum horum tonum renovare.

QUIBUS consiliis eadem medicamenta respondent. Ea sunt, calor, exercitatio, aquarum certis rebus gravidarum potatio, balneum, victus idoneus, purgatio, amara et aromatica, postremo, antispasmodicorum delectus.

SUPRA monstravi hypochondriasin melancholicam esse frigidorum coelorum, frigidorum temporum, prolem. Cui coeli temperiei contrarius calor igitur est remedium. Quaerendus ergo his aegrotantibus coelorum et temporum calor. Verum enim vero, cum iisdem magnum



gnum frigus vix magis inimicum fit, quam extremus calor; aliquis modus huic praecepto et certus finis statuendus est. Quod ad Britannici coeli temperiem attinet, dubium non est, quin calor aestivus morbum levet, frigora hyberna exasperent; et plura in Scotia quam in Anglia, plura in hac quam in Gallia, hujusmodi mala nascantur: Attamen, si calidiores usque regionem et prope ardentem spectes, profecto plures hujus notae hypochondriacos in Hispania quam apud nos reperies. Medius igitur calor, grato frigore temperatus, et re vera auxilium optatum adfert, et propositam nobis medendi rationem explicat; quippe qui, grato stimulo cerebri actionem excitans, partium motricium torporem demit, et aethera nervorum in eas deducens, vim tonicam restituit: Contra, omnis ardor irritabilitatem et tonum corporis perfundat. Ergo, si delectus regionum ubi aegrotantes habitent permittitur, omnibus locis Italiae tractus meridionales praeferent, ubi aestivi calores, et frigora hyberna, optime omnium temperantur; aut, si loca mutanda sunt, hyems in Gallia, aestas in Britannia, praereliquis transigatur.

Ex

Ex pluribus exercitationis generibus gestatio, quia commodior videbatur, plurimum est adhibita. Cujus longe praestantissimum genus est rheda aut equo vehi; quod, praeter utilem corpori motum, etiam animo multum prodest; quem ab intenta in unam rem et suum plerumque miserum casum occupatione ad varia undique oculis objecta revocat. Ergo ex rhedis, ut quaeque minime clausa, ita optima est. Melior etiam equus qui liberrimi circumspectus copiam facit, et animum freno intentum utiliter exercet. Quo fit, ut reliquis quoque rhedis utilior ea sit, quae, ab uno jumento tracta, ejus qui vehitur assiduo eget regimine (*a*). Porro, cum varietas adeo curationis pars necessaria sit, longa itinera, et locorum mutatio, quam intra angustiora eorundem locorum spatia saepius versari, multo plus auxilii praestant (*b*). Itaque aegrotantes, qui eundem tractum equo peragrarere frustra confueverant, ad sanitatem longo itinere

(*a*) Cull quendam hominem curavit, qui cum bijugis, ubi illius opera opus non erat, ferretur, nullum levamen, cum vehiculo ab uno jumento tracto uteretur, multum acceperit; Prael. clin.

(*b*) Cullen praelect.

nere reductos, certa testimonia sunt (*c*). Ante et post concoctionem exerceri, utilius cum alibi tum praecipue in hoc malo est (*d*). Quibus equi commodum non contigit, scilicet plebeculae pauperculae, et hic morbus, quod rarius fieri opinor, tamen contigit, proximum iis auxilium est, ambulatio (*e*); sed cum hac cautione ne post prandium protinus ambulent. Eadem, varietatis supra dictae causa, praesertim si vires sinunt, nec ditioribus quidem subinde contemnenda est. Cui tamen, nisi ob has duas causas, non est insistendum: Nam in equo aut rheda vehi, tanto est commodius, quanto corpora magis concutit et minus fatigat (*f*).

NAUSEAM, quam vectores mari inassueti pati solent, contrariam horum hypochondriacorum curationi esse, objici posse scio. Verum, dempto nauseandi periculo, quod neque omnibus usu venit, neque illis pro certo obfuturum dicitur, vix ab ulla re auxilii plus quam

a

(*c*) Vide hypochondriaci memorabilem longo itinere sanationem apud Syden. dissert. epist. ad Coll. p. 414. edit. Lugd. Batav. 1745. (*d*) Hoffm. loc. cit. caut. et monit. pract. 6. (*e*) Hoffm. loc. relat. Thes. therapeut. § 9. (*f*) Whytte de morb. nerv. hyp. et hyst. P. 353.



a navigatione sperandum est. Quid enim ad vim nerveam excitandam, et in totum corpus aequabiliter dissipandam, efficacius fit, quam aequabilis illa, omni temporis puncto, et assidua navis jactatio, modo lenis qua navigetur tempestas, ne nimia ea jactatio fit, et anni idoneus calor deligatur? Unde ad reliqua gestationis cujusvis commoda, haec insuper spes est, alvum, cujus durities et consueta et nocens huic morbo est, salinis particulis undique intus acceptis, in molliorem habitum tandem deductum iri (g).

NEQUE crurum, brachiorum, et trunci fricatio nostro medendi consilio non est consentanea (h).

UTQUE nimia in lecto mora debilitat et torporem auget, ita matutina extra illum vigilia, lenis exercitationis instar, e contrario excitabit (i).

CHALYBEATA in vera melancholica hypochondriasi raro adhibenda sunt, quae adeo

G

nihil

(g) Sauvagesius in hypoch pituit, navigat. praecipit. Gilchristius in hoc morbo navigationem et laudat, et usum ejus salutarem pluribus exemplis probat. Vid. libellum de navigatione, Anglice scriptum. (h) Whytte loc. relat. p. 357. Hoffm. loc. relat. Th. § 4. (i) Idem.

nihil juvant, ut e contrario nocere videantur (*k*). Eadem tamen a nonnullis immodicis laudibus elata sunt (*l*). Quibus tamen, cum aliis rebus, aquae natura faturae ob alias proprietates summum auxilium promittunt (*m*). Eae, perpirationem expediendo, ventriculum excitando, et secretiones quot quot sunt promovendo, mirum in modum profunt (*n*). Eadem, cum aliquantum alcaliscentes sint, aciditatem qua omnes hypochondriaci vel laborant vel periclitantur, tollere sunt comperae (*o*). Ex hujusmodi aquis optimae sunt Salteranae, Carolinae, et similes (*p*).

Huic quoque malo remedio, hysteriae saepe noxae, balneum est. Id summum corpus calefaciendo, eoque et sanguinem et vim nerveam percitando, et rigorem hujusmodi aegrotantibus proprium solvendo, in primis ad salutem confert (*q*).

VERUM,

- (*k*) Cull. prael.                      (*l*) Whytte loc. relat. Hoffm. loc. relat.  
 (*m*) Whytte loc. relat. Hoffm. Th. ther. 10 et passim. per enar. morbi.    (*n*) Cull. praelect. Hoffm. loc. relat. Th. Ther. § 6 et postea.    (*o*) Cullen praelect.  
 (*p*) Cullen. Hoffm. loc. relat. Whytte Bathianas et Moffatianas laudat, loc. relat. 344. 347.  
 (*q*) Cullen et Hoffm. loc. relat. caut. et monit. pract. § 10.



VERUM, cum primis viis ante omnia infectus sit hic morbus, eae quoque medenti ante omnia curae esse debent. Itaque ad acidam naturam illic dominantem extinguendam, cibi e materie solida constantes, alentes, concoc-  
tu faciles, quique ut et potiones ab omni a-  
cescente natura alieni sint (*r*), adfumantur. Vitanda quoque sunt infantia et salita omnia, (*s*); item pingua quaeque et condita (*t*). Ciborum etiam usus ita procedat, ut cum reliqua corporis, tum praecipue primae viae, flaccidae tendantur, et torpentes excitentur. Quod autem ad copiam attinet, satietas omnis nocet; nihil igitur simul adsumi, quam quod facile concoqui possit, oportet. Quippe omne quod modum in cibis excedit, utut idonea sit materia, cum in reliquis, tum praecipue in hoc morbo, ventriculum et primas vias debilitat; quas contra modicus cibus re-  
fectas roborabit. In primis perpetuum hoc praeceptum fervetur, nusquam utilem, nedum  
in

(*r*) Cullen. praelect. Hoffm. l. r. Thes. Ther. § 7.

“ Qui aceribus pomificis, pionis, similagineis, calidioribus

“ aromatibus, &c. probe abstinendum,” addit.

(*s*) Whytte, loc. relat.

(*t*) Idem ibid. Hoffm.

loc. relat.



in hoc malo, nimiam coenam esse (u); quippe quae, etiam in bene valentibus, similia quaedam affectibus hypochondriacis in incubus speciebus praestare consueverit. Cujus rei haec causa est, quod ventriculus, jacente quam erecto homine, facilius intus contentis opprimitur, et dormientibus tardius quam vigilantibus concoctio procedit. De aëris ratione, quae victus quoque pars est, jam ante est dictum; solumque hic addendum est, cum coeli vicissitudines ubique magnae, apud nos et in septentrionalibus aliis regionibus maximae omnium sint, nec ulla res imbecillitati primarum viarum de qua hic agitur inimicitior reperiatur; nihil consultius esse, quam truncum corporis, veste lanea inter reliquam et cutem interposita, a coeli illa inaequali inclementia tutum ubique praestare (w). Quae quidem observatio perspirationem promovebit, canalem alimenti levabit, excitabit, et a multis quas subitae tempestatum mutationes inferunt injuriis tutum defendet.

Ad primarum viarum curationem attinet alvi quoque tractatio; cum enim haec, torporis

(u) Whytte, loc. relat. Hoffm. loc. relat.

(w) Whytte, loc. relat.

ris universi corporis confors, ideoque pertinaciter fere dura, item tensa nimis et tensionem ubique adficiens, morbum cujus effectum est usque irriteret; assidua et diligente cura opus est, ut quam maxime mollis fervetur. Ad quod praecipue efficax medicina est aloëtica purgans. Quae hac forsan prodest singulari proprietate, quod vel modice stimulat, vel quoniam parva copia agit, ita administrari potest ut id effectum praestet. Praeterea, quod ante omnia consilium nostrum requirit, sola omnium cathartorum ex plantarum genere paratorum est, quae, post alvum solvens effectum, nullum deinde adstringens relinquit. Et magnum stimulum, ubi eo opus est, cum mercurio conjuncto, prodit. Alioquin composita nihil boni praestare videtur (x). Idem remedium cum aquis pregnantibus supra dictis utilissime saepe, conjungitur (y). Praeter id, vix ullo alio utendi prosperius remedio spes est, si liquores in alvum immisos excipias. Ii eadem fere effecta quae aloëtica purgans produnt; et quia alvus non semel aut saepius molliri, sed mollis constanter servari requiritur,

(x) Cull. prael. clin.

(y) Hoffm. loc. relat.

caut. et monit. pract. § 11.



requiritur, si quando illa per consuetudinis longioris vim seu deficiet, seu alioquin mutanda videbitur, ejus vicem iidem apte explebunt. Supra purgantia in hoc morbo vix unquam tentanda sunt, et prae caeteris ea quae valide id efficiunt (z): Utpote quae motum peristalticum ultro inclinantem invertant, nimio stimulo et concussibus vehementioribus, totum tractum primarum viarum perturbent, et manente praesertim alvi durtie, quam ut alibi nunquam illa movent, adeo non tensionem inaequalem et torporem demant, ut e contrario omnia debilitando utrumque malum augeant. Neque tamen obstat quicquam, quo minus, praesertim circa initia, semel aut iterum ad alienas res et acida fermenta ejicienda lenius emeticum detur (a).

Huic quoque morbo amara et aromatica conveniunt. Quorum haec ad spasmos solvendo, illa ad ventriculi et intestinorum tonum restituendum, faciunt. Eorundem tamen, cum in hoc, tum in plerisque affectibus hypochondriacis, frequentior usus nocet, pro  
anti-

(z) Hoffm. loc. relat. caut. et monit. § 11.

(a) Cull. prael.



antispasmodico et tonico effecto, quod primo tempore contigerat, ventriculum tandem debilitans et spasmo arctiore constringens, relinquentium, firmatae hypochondriasis mala inferentium, aut etiam cachectica et leucophlegmatica postremo superaddentium (b).

IDEMQUE aut simile de antispasmodicis dici potest, quae spasmus primo tempore solvunt, diutius adhibita confirmant, alvi duritiem augent, tonum corporis frangunt, et morbum altiore radice figunt (c).

HIS de propria exquisitae hypochondriasis natura, ad species dein transeundum est.

DUAE proximae species, altera Pathematica, altera Cogitativa nobis dicta, cum congenita coincidunt, scilicet hominibus ejusdem naturae seu temperiei eveniunt; ideoque eadem ratione curandae, verba ab ea separata de curatione non requirunt: Extra enim melancholicam naturam, haud temere quenquam reperias qui vel moerore aut quolibet graviore et diuturniore animi adfectu, vel vi cogitandi et ingenii intentione, in eum morbum incidat. Quod si qui alii in eum utique incidunt, quod  
et

(b) Cull. praelect.

(c) Idem ibid.

et fieri posse, et revera aliquando fieri concedo (*d*), eorum curatio non hic loci tractanda est; sed medici e religionis aut morum ratione, pro occasione et ingenii hominis, argumenta in solatium pro mentis, aut proprio iudicio studiorum modo temporantis, arbitrio permittenda.

ABSOLUTIS igitur quae de primo hujus morbi genere ad totum corpus magis pertinente dicenda videbantur; ad species aliorum magis in canali alimentario positum constituentes transibo.

EA quae a nimio concubitu oritur, sicut et reliquae omnes secuturæ, a tribus prioribus hoc differunt, quod a temperie melancholica non pendeant; hæc vero magis sanguineae, hysterici mali origini, usu venit; et a superiorum curatione abhorrens, constante frigidae lavationis usu et veneris temperantia feliciter sanatur (*f*).

IN proxima specie hysterica, inter se hysteria et hypochondriasis varie conjunguntur. Huic quoque frigida lavatio et medicamenta tonica, quae hypochondriasi naturae melancholicæ

(*d*) Cull. praelect.

(*f*) Hoffm. loc. relat.

cholicae raro conveniunt prorsus accommodantur (*g*).

HYPOCHONDRIASIS arthritica varias facies induit, et variis quoque remediis utrivis malo seorsim adhiberi solitis curari consuevit. Quorum tamen omnium et tutissima et maxime efficacia remedia chalybeata sunt (*b*). Tonica enim amara, qualia cortex Peruvianus et alia sunt, arthritida extremorum artuum, seu horum accessionem inflammatoriam in qua illa consistit, tollunt; quae tamen et hypochondriacos et alios adfectus ad alimenti canalem reducunt, et varias toto corpore turbas quoque creant. Quod quid quaeso aliud est, quam podagram aut extremorum artuum eundem affectum in alimenti canalem aut alia loca interiora transferre? Ergo, ubi in primis viis solum arthritidis residet, curatio per ea remedia, quae illam ad extrema pelli prohibent, et transductam ad primas vias iis infigunt, periculosa sit necesse est. Arthriticis igitur omnibus omnis paulo major amarorum usus non nocere non potest; quae, licet ventriculi et intestinorum inflationem liberent, tamen diutius adhibita eorundem vim ac tonum

H

num

(*g*) Cull. praelect.

(*b*) Idem ibid.



num debilitatum delent, longosque et exitiales morbos plerumque iis inferunt (*i*). Aqua calcis ad arthriticum dolorem ad extrema pellendum, ibique figendum, admodum quoque valet (*k*); ideoque ad vitia hypochondriaca ex illo pendentia levanda erit efficax.

ARTHRITICAE proxima, vel cum ea conjunctae naturae, species nephritica est. Cujus curationi accommodatissima adstringentia sunt, qualis uva ursi est. Quin et hic quoque, pariter ac in arthritica specie, absorbentia, ut aqua calcis, plurimum juvant (*l*). Quae res quantum communis naturae iis sit ostendit. Item inquiri debet, sitne in hac hypochondriasi lavatio frigida noxae an remedio (*l*): Arthritis enim extremorum artuum tere inflammatio est, ad quam prohibendam aqua frigida pedibus affusa pessimas turbas trahit. An simile effectum frigida totius corporis lavatio praestet est incertum, dum aliis nocuisse, aliis plurimum juvasse, animadvertitur (*m*).

TRES species ab humorum inopia, ab infarctis visceribus, et a profluviiis suppressis, exortae, hujus loci non sunt, sed pro separatis morbis

(*i*) Cull. praelect. (*k*) Whytte, loc. relat. 385—6.

(*l*) Cull. praelect. Hoffm. loc. relat. Th. Ther. § 3.

(*m*) Cull. prael.

bis ex istis causis pendentibus habendae, et sua quaeque causa sublata tollendae.

DUAE species restant, ea quae a retropulso humore per cutem excernendo, quaeque a febre intercisa, nascitur.

Illa ab exanthematibus a summo corpore retropulsis aut ulceribus conglutinated prove-  
nit. Curatio difficilis, quam vulgo humore detrahendo, quale fonticulis et setaceis fieri solet; sed frustra fere adgredimur. Proposita nova medendi ratio est, ut istae affectiones ex exanthematibus contagiosis retropulsis, his arte reductis, aut per novam contagionem de-  
nuo excitatis, curentur (*n*); adeoque tali in casu pruritus, de industria excitatus, sanita-  
tem restituit.

ALTERA et postrema species saepe sed cura-  
tu difficilis incidit. Curatio tamen, qualis in hypochondriasi congenita usurpatur, scilicet, exercitatio assidua, pulvis Doverianus, et si-  
milis adhibita sunt, quae humorum impetum, a summo corpore arte revocatum, eodem rur-  
sus restituunt. Interdum etiam febris subest  
certis circuitibus, sed perquam obscuris, re-  
petens. Quod ubi fit, dandus cortex Peru-  
vianus

(*n*) Sauvage.

vianus est, solum remedium quod febres circuitibus redeuntes proprietate certa tollit. Alia ejusdem rei ratio, antiquitus nota, nunc prorsus ignoratur (o)

IN hoc morbo tractando sententiam CULLENI egregii Praeceptoris nostri praecipue sum secutus; nam et doctrinam de tensione et divisionem morbi in species ab eo accepi; cui ob hoc et multa alia beneficia ex animo gratias ago.

(o) Celsus, in tardis febribus, varias eorum accessiones, unctione, frigida lavatione, et frictione, excitandas suadet.

F I N I S.



TENTAMEN MEDICUM  
 INAUGURALE,  
 DE  
 CALORE:

QUOD,

ANNUENTE SUMMO NUMINE,

Ex Auctoritate reverendi admodum Viri,

GULIELMI ROBERTSON, S. S. T. P.  
 ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ Decreto,

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS  
 RITE ET LEGITIME CONSEQUENDIS;

Eruditorum examini subjicit

JACOBUS M'CLURG,  
 VIRGINIENSIS.

Ad diem 12 Junii, hora locoque solitis.

*God said, Let there be Light; and there was Light.*

GEN. i. 3.

EDINBURGI:

Apud BALFOUR, AULD, et SMELLIE,  
 Academiae Typographos.

---

M, DCC, LXX.



P A T R I S U O

OPTIMO, CHARISSIMO,

GUALTERO M'CLURG;

VIRISQUE EXIMIIS,

GULIELMO CULLEN

E T

JOSEPHO BLACK,

STUDIORUM ATQUE AMICITIÆ FOEDERE,

DUM IN RERUM ET SENTENTIARUM MEDICARUM

SYLVA OBSCURA

ERRANTI FACEM, PRAELUCERENT,

SIBI STRICTE DEVINCTIS;

HOC SACRUM VOLUIT

JACOBUS M'CLURG.





# TENTAMEN INAUGURALE

DE

CALORE.

## I.

I. **N**OMEN *Caloris* in diverso sensu usurpatur; quod ingeniis quibusdam metaphysicis controversiae materiem suppeditavit. Æque enim designat quandam animi modificationem, seu peculiarem sensationem, atque hujus principium, in corpore extans agente.

2. VULGUS quidem hominum, effectus, universim, quam causas magis curans, eosque praesertim qui voluptatem vel dolorem magnum accersunt, sensationi soli nomen indulget. Haud facile istis suadebis, calorem latere, ubi sensus nequit eum detegere.

AT philosophi sensationem tantum pro signo habent materiae cujusdam, late potentissime in mundo agentis; quam vero, hoc mo-

A

do

do indicatam, natura voluit eos investigare. Alios autem prodit effectus, qui praesentiam, vimque ejus, accuratius longe demonstrant, quam sensatio nostra, varia adeo et mutabilis. Nascuntur quae volo phaenomena, dum corpora inanimata motibus atque mutationibus variis agitet; dum expansionem, fluiditatem, ignitionem conciliet, vel sursum in elastico pellat vapore.

3. EFFECTUUM istorum universalitas, atque propriae quibus stringuntur leges, experientia frequenti, jam satis firmantur. Inductio autem vix potest ulterius progredi; neque fontem, quo derivantur, aperte indicant phaenomena.

4. PHILOSOPHUS tardus, tristisque, hic sistit gressum; neque fas esse existimat

*Pandere res alta terra et caliginemersas.*

Qui alacri magis fidoque animo est, de philosophia nunquam desperandum esse censebit. Dum nova atque pulcherrima, hoc ipso postremo saeculo prolata, circumspiciat, tempus praevidet olim affuturum, quando, novis cate-

ctar



cta possint inter se copulari. Tum vero, apparentibus cohaesionis et gravitationis causis, simul manifesta prodibit causa caloris, iis certe quam maxime affinis (23.).

AT taedium multorum fortasse saeculorum, sedula patienti observatione absumptorum, minus convenit mobili et actuofo hominum ingenio. Hypothese magis delectatur, cum expectatum e longinquo eventum propius adducere prae se ferat. Quid mirum, igitur, si plurimae, de caloris causa, excogitatae fuerint hypotheses?

5. THEORIAE verae constituendae nihil magis conducere arbitrarer, quam ea imprimis conferre, quorum ope calorem excitare valemus; atque dein ex iis communem aliquem effectum derivare. Cum vero hoc difficillimum foret, natura praesertim plurimorum caloris principiorum adeo parum cognita, theoreticis potius arridebat, unum vel alterum horum, magis obvium, perpendere.

6. DUM calor multimodis in orbe nostro augeatur, hoc fit ex frictione, etiam et percussione solidorum. Manifestus harum effectus videbatur esse motus, in particulis corporis excitatus; ex quo calorem, una ortum, unaque crescentem, pendere statutum est.

DUBITARI

DUBITARI quidem potest, num recte hoc ab experimento inferatur. Primo enim, haud exinde intelligitur, quare in corporibus molibus, fluidis, motus quicunque in particulis excitatus, nullum pariat calorem. Secundo, in corporibus electricis, frictio electricitatis copiam praecipue auget; nulla vero orta est suspicio, electricitatem ex motu corporis particularum profluere.

7. SI vero nihil aliud velint, nisi quod calor in motu quodam consistere videatur; nemini hoc negandum iri existimo. Num mutationes ullas in corporibus accidere sine motu concipimus?

GENERALES autem caloris (2.) effectus motum cujusdam materiae clarius vindicant.

VIDETUR electricitatem, non nisi orto fluidi electrici quasi vento, excitari.

8. MOTU isto, oportet certam materiam adfici. Philosophis equidem, qui de naturae phaenomenis attentius cogitarunt, fere communis fuit sententia, materiam duplicem corporibus constituendis accedere. Distincto vero nomine appellavit nuperrimus auctor, hanc solidam cohaerentem, illam elasticam interlabentem \*.

\* Act. petropolitan. diss. de Caloris causa.

Ex divisione ista materiae, profluit diversa de hac re sententia. Alii motum in materia solida imaginabantur; hac praecipue ducti ratione, quod, scilicet, dato caloris in corpore gradu, copia ejus eo semper major esset, quo corpus densius. Cum vero corpora, in ratione densitatis, plus teneant solidae, minus elasticae materiae, necesse est calorem prioris proprium haberi.

ARGUMENTUM ab universalitate facti totam vim trahit; dempta ista, statim corrumpit; immo, contra suos pugnat.

DUM aqua et argentum vivum, communem atmosphaerae calorem habentes, igni, in diversis vasis exponantur, argentum vivum citius ad datum gradum adscendit. Id autem fieri, propterea quod aqua, ut ad certum calefiat gradum, plus postulet caloris, quam mercurius, ab aliis evincitur experimentis. Affusa enim aqua calida mercurio frigidiori, gradus caloris mercurii altius evehitur, quam pro ratione diversitatis graduum, ante misturam, foret expectandum.

NEQUE defunt plura, idem confirmantia, experimenta.



9. CREDIDERUNT alii calorem ad mobilissimum, atque ergo elasticum fluidum, potius adtinere; pluribus fidei allatis causis, quas taediosum fuerit recoquere. Hujusmodi autem sunt :

*a.* QUIA elasticitatem, maximam mobilitatem, corporibus fixis, solidissimis, conciliat; atque dein augetur ista mobilitas, ratione aucti caloris.

*b.* CALORIS effectus longius a corpore ignito deprehendimus, etiam in vacuo neque mutatos. Medio ergo utitur, aëre subtiliore. NUM alium, quam certum ejus medii motum, calorem imaginamur ?

*c.* INDOLI elasticorum fluidorum praecipue convenit, facillime in aequilibrium diffundi. Insignis ea dispositio in calore; insignis in aëre; insignior autem in electricitate, adeo ut omnibus ejus phaenomenis originem dare videatur.

10. COMMUNICATIO vero ab ea pendens, (9. *c.*) et in calore, et in electricitate, sequitur rationem directam copiae in corpore dante, atque inversam in accipiente. Est etiam, caeteris paribus, in ratione superficiei utriusque \*.

\* Beccaria electricismo artificiale.

CORPORA acuminata haud eundem praestant effectum, in communicatione caloris, ac in electricitate; propterea quod aer calori transeunti non resistit.

EXINDE etiam fieri credo, electricitatem nihil de sua vi amittere, dum per longissimum filum metallicum transferatur. Demonstravit enim Clariss. DE LA GRANGE, undas sonoras nullam mutationem pati debere, dum eandem fervent directionem; sicut fit, ubi per aërem, in longis angustisque canalibus inclusum, transeuntur\*. Hoc idem facile accommodatur fluido electrico, in filo veluti in tali canale incluso.

DEMONSTRAVIT autem sonum, in libero aëre, eo magis imminui debere, quo longius a corpore vibrante decedat†. Videmus equidem calorem eidem esse legi obtemperaturum.

II. SUNT quae calorem, ut quae electricitatem, melius conducunt. Quoad calorem, densitas, seu particularum proximitas, maxime ejus viae favere videtur.

AT glacies, quam nivis, multo melius electricitatem conduit. Num in ulla re praeter densitatem discrepant? Nisi forte putetur, aë-

\* Comment. Taurin. vol. 2.

† Ibid.

ri inter flocculos nivis ingressum patere, qui electricitati obstat permeanti.

IGNORO, fateor, num aliud sit calori cum electricitate commune, quod huc pertineat. Attamen ab iis, qui vitrum tractant, observatum est, tardius id, quam pro ratione densitatis, calorem transmittere.

QUACUNQUE causa pendeat, metalla et calori et electricitati facillimam praestant viam.

12. QUID dicemus vero de corporibus, per originem, electricis? Num inventa fuerit ulla materia, quae calorem ex communicatione omnino non capit? Respondeo, aliqualem nexum hic etiam subsistere. Haec enim corpora, tribus tractata modis, electricitatem produnt; calefactione, scilicet, frictione, et fusione. Iisdem vero, quod notabile est, augetur in eis calor.

DEINDE, vix tanti est differentia ista, quanti, prima statim facie, apparet. Auctus enim calor, perfectissima electrica, hac sua vi orbat.

13. QUÆSIVERUNT phyfici, unde corpus electricum, unde non-electricum, evadit. Aliis strictior laxiorve partium compages; aliis incognita quaedam materiae diversitas, in causa



fa esse videbantur. Liceat autem simplicissima, quae ad eam rem attinent facta, in mentem revocare.

METALLA optimi conductores, ex sola calcinatione, electrica sunt.

VITRUM, electricorum perfectissimum, aucto tantummodo ejus calore, in conductorem vertitur.

§ NUM consentiunt cum iis hypotheses supra memoratae? Atque primo,

*a.* SIQUIDEM corpus, ex eo quod minus sit compactum, electricitatem conducat; patet unde vitrum, calore rarefactum, conductor fiat.

*b.* ATTAMEN metalla, ex calcinatione, rariora, minusque reddita compacta, sunt electrica.

NUM corpora electrica, et non-electrica, ex eadem evadunt causa?

14. VULT altera hypothesis, differentiam a diversa pendere materia.

*a.* CALCIS materiam a metallo alienam esse, ostendunt mutatae omnes fere qualitates.

*b.* NUM solo vero calore, vitri neque in vaporem, neque in fluidum resoluti, materia mutatur? Accedens frigus, vitrum rursus electricum reddit.

§ MIHI quidem videntur ista, novum calorem inter et electricitatem nexum indicare. Vitra ignita conductores fiunt; metalla ex solo addito phlogisto. Phlogiston autem, ipsam esse caloris materiam, plurima suadent; quorum aliqua olim proferemus (21.).

15. NUM vero, ulterius penetrantes, nexus hujus caloris et electricitatis rationem perspicimus, vix credo. Phaenomena (18.) quidem indicant fluidum electricum, in vim cohaesionis corporum, praecipue agere. Oportet igitur vim cohaesionis fluidum electricum reactione pari adficere.

VIDEMUS etiam corpora, materia longe diversa, dummodo eundem cohaesionis modum obtineant, electrica fieri. Huc pertinent corpora vitrificata, vel a calore vitra futura; atque chrySTALLIZATA.

DENIQUE observatum est, electrica, saltem solida, cum frangantur, semper superficiem monstrare laevem ac politam; quod certe pendet phaenomenon a peculiari cohaesionis modo.

NOVIMUS autem, calorem vim cohaesionis corporum imprimis adficere; minusque ergo miramur, tam strictum ejusdem cum electricitate nexum.

NEQUE minus certum est, phlogiston, corporibus junctum, eorum statum cohaesionis imprimis mutare; atque pari etiam, quo calor, modo: Semper enim ea ad fluiditatem, atque vaporem, fiunt procliviora.

16. DENIQUE, similem videmus phlogisti nexum cum magnetismi causa, atque etiam cum solis radiis. Hoc aio equidem, experimento fides; licet minime cum iis sentiam, qui phlogiston unicam esse caloris sedem nimis temere affirmant. Metallis quibusdam eo modo phlogiston adhaeret, ut calore atque aëre fere omne potis est sejungi. Tum vero semper candidae apparent calces; adeo ut gradus candoris, calcinationis gradum, satis certe indicet. Addito autem phlogisto, rursus aliquo tinguntur colore.

QUAE igitur corpora Solis radios perfecte repellunt, phlogiston adepta, iidem attrahendis atque in se retinendis, aptiora evadunt. In eo autem versari discrimen, inter electrica atque non-electrica, posuit Celeberr. BECCARIA; quod haec quidem fluidum electricum quasi absorbeant, dum electrica idem omnino repellant \*.

\* Electricismo artificiale.



17. His positis, minus miramur flammam a corporibus electrizatis vehementer adtrahi; atque fluido facillimam praestare viam. Experimenta autem ejusmodi, Clariss. BECCARIÆ, persuaferunt, haud eandem esse electricitatis ac caloris materiam. Aliter enim, quum nullus detur fluidi electrici motus, nisi densioris in rarioris locum ruentis, minus facilis ei in flammam, atque corpora ignita, ingressus pateret \*.

§ ETENIM ex diversis caloris atque electricitatis phaenomenis, ex diverso modo quo eisdem edunt effectus, eorum differentia, qualis qualis sit, plana satis arguitur. Num vero in ipsa materia discrepant? Illustriss. BECCARIÆ, liceat, ex analogia, quaedam respondere. Dum corpora in fluida, vel in vapores, resolvantur, magna caloris copia in iis accumulatur; quae neque sensus adficit, neque thermometrum; haud amplius in aequilibrio, cum calore communi, constituta. Dicimus eam caloris, vel materiae caloris, certam esse modificationem, a communi certe calore, aequae ac electricitatem, abfimilem. Sola

\* Materia electricitatis in iis jamjam accumulata.

autem specie, neque reapse mutari videtur; namque vapore elasticitatem ponente, vel fluido congelato, caloris communis, et aequilibrium fervare parati, rursus formam resumit. Enimvero cavendum est, de materia ista subtili, proteiformi,

*Ne te decipiat centum mentita figuras.*

18. EFFECTUS autem caloris, et electricitatis, sunt etiam simillimi. Utrumque lux comitatur; atque electrica, scrutanti philosopho, colores obtulit prismaticos. Inflammationem ambo excitant; metalla in calces vertunt; eadem liquefaciunt; aerem atque aquam dilatant; evaporationem accelerant; vegetabilium promovent incrementum; vim vitalem animalium validissime commovent.

INDOLEM iis obtigisse quam proxime affinem, ex analogia licet inferre; atque plura, quae idem suadent, deinceps accedent (22.) phaenomena. Attamen, quum vix negetur electricitatem a fluido pendere mobilissimo; idem de calore etiam credendum est.

## II.

19. FIERI autem potest, fluidum istud, mobilitate sua orbatum, partem corporis solidi constituere.

ID equidem, ex analogia, fit saltem probabile. Aeris elasticitas est eo usque perfecta, ut neque calore imminuto, neque aliis modis, possumus eam destruere. Attamen, corporibus necessitudine quadam affixus, in durissimam saepe compingitur materiam.

AER mephyticus, diu apud observatorem servatus, elasticitatem nequicquam minutam ostendit. Siquidem apponantur vero, quae aerem istum adtrahunt, statim absorbetur.

CUR non ignis, eodem modo, cum materiis ejus amantissimis in consortium ineat?

ATTAMEN, eo acto, nonne signa sui dabit, in variis quibus jungitur corporibus, unde principium commune apertum fiet?

CUM vero separetur, nonne sicut aer, elasticitatem propriam resumet, atque, motibus agitatus, calorem lucemque proferet (30. 31. &c.) ab istis pendentes?

NE longus sim, nonne propositio rationem notionemque continet, materiae illius singularis,



laris, ad certa corpora praecipue pertinentis, quam phlogiston chymici appellarunt?

20. HAUD est igitur cur, nova semper suspecta habentes, experimentis, quibus ea (19.) innititur propositio, diffidamus.

LAPIS Bononiensis, cum carbone praeparatus, atque lumini dein objectus, siquidem domum deportetur, lucem profert in tenebris spectabilem.

VELLEMUS phaenomenon ab eadem ducere causa, ac phosphorum, quos melius novimus, lucem; seu a separatione phlogisti. Quod confirmatur etiam, ab effectu caloris, lucem, quae jam disparuisse visa erat, rursus excitantis\*. Calor enim phlogisti separationem imprimis promovet; lucemque ergo producit, ab ea pendentem. Nullum autem effectum praestabat calor, nisi lapis prius lumini oblatus fuisset†.

CREDENDUM est igitur, phlogiston facilius separabile,‡ lapidi, e luce, fuisse additum.

EFFECTUS autem praeparationis haud alius videtur, quam phlogiston corpori conjungere,

\* Margraaf opusculs chymiques, vol. 1. p. 349.

† Ib. p. 395.

‡ Multis convincitur experimentis, phlogiston eo modo corporibus adhaerere, ut una ejus pars pertinaciter maneat affixa, dum altera facillime separetur.

unde alio phlogisto, a luce trahendo, aptior evadit. Nonne a notioribus hoc illustratur phaenomenis?

ETENIM calces metallorum, quo plus tenent phlogisti, eo avidius idem attrahunt; ad ultimum vero calcinationis gradum perductae, vix formam metallicam rursus accipiunt.

ATQUE nitrosum etiam acidum, phlogisto potitum, vehementius idem appetit.

§ EXPERIMENTUM, mirum equidem, huic autem affine, (14. §) a Clariss. BECCARIA narratur; ostendens corpora, a simplici etiam calore, luci attrahendae aptiora reddi \*.

21. ATTAMEN Solis radii metallorum calcibus phlogiston impertiunt; hujus praesertim avidioribus, sicut argenti calci.

SIQUIDEM argenti solutione, creta, aliave, acidum potis abripere, materia irrigetur, atque ea deinde in obscuro loco servetur, haud mutata manet. Lumini vero objecta, nigro exinde tingitur colore, a nitri acido, atque a calore separabili. Si, corpore interjecto, a quadam ejus parte lux equidem prohibeatur, ea pars absque colore manet †.

\* Comm. Bononiens. vol. 3. p. 156.

† Comm. Technic, p. 350.

NE aliquid dubii effet de coloris origine, an eum phlogisto accepto tribueremus, hoc feci experimentum.

CRETÆ frustra duo argento in nitroso acido soluto fatis humectavi. Deinde alterum in fenestra luci obvium reliqui; alterum a luce tectum vaporibus objeci, quem solutio hepatis sulphuris foetidissimum exhalat. Utrique color niger accersiebatur; longe autem citius cretae vaporibus objectae, quam alteri in fenestra manenti.

ELECTRICA autem explosio, eadem quae Solis radii (20.), corpora vi ditavit lucifera \*.

CALCIBUS etiam phlogiston dedit, cum eas rursus metallico indueret splendore †.

NUM dubium restat, materiam lucis et caloris eandem ac electricitatis esse; atque hanc ea lege fuisse constitutam, ut certis corporibus, mutata forma, adhaereat?

22. QUUM materia ignis electricitatis tam longe discrepet a materiis quibuscum communiter versamur, facile judicamus corpora, ea juncta, singulari modo adfici.

NEQUE fallit conjectura. Apparet enim corpora, phlogisto addito leviora, eodem abducto

\* Priestley on Electricity.

† lb. Exp. III, Beccariae.



graviora evadere. Raro equidem certiora capimus, de hac re, experimenta; raro enim phlogiston abit, neque alias corporis partes secum rapit. Ubi autem simpliciiori magisque fixae materiae jungitur, adeoque purius effugit, semper eam linquit pondere auctam. Quod praesertim patet, in metallorum calcinatione, atque phosphori urinae inflammatione\*.

QUANDOCUNQUE vero, facili inito calculo, alienae materiae copiam, cum phlogisto una abreptam, valemus detegere, hoc idem semper confirmatur.

HAUD statim iis creditur, quae communi consuetudini adversantur. Unde tam faciles materiae, in universum, pondus tribuimus? Observatio equidem, in plurimis corporibus, pondus detexit. Observationi autem recte institutae semper aequae fidendum est; atque eadem suadet, huic saltem materiae ipsam levitatem inesse.

23. NULLONE modo possumus, experimentis minime ambiguis, suam fidem fervare? Vulgo dicitur gravitationem esse effectum; causa autem ejus, num ipsa gravitatione adficitur? Credo hoc neminem affirmaturum esse; maneret enim quaerendum, unde sua gravitatio?

\* Opusc. chym. de Margr. vol. 1. p. 25. Adhuc calidas, appendebatur.

Adeoque *gravitationis* causas, sine modo, fingere oporteret.

IGNIS cum gravitationis causa nexum videmus. Eundem ejus cum cohaesionis causa, effectus caloris (2.) clare demonstrant. Observamus etiam calorem, magna copia in corpore accumulari, neque aliud sui signum dare, praeter mutatum cohaesionis modum (17. §) Videmus quoque, puto, vim cohaesionis se quasi in calorem induere, cum frictione vel percussione solida calefiant. Hinc calor inde natus maxime cum statu cohaesionis variat; in fluidis, mollibusque, nullus existat; quoniam haud detur ibi actio illa atque reactio, inter fluidum atque materiam solidam, quae (32.) calorem faciunt.

DE affini caloris ac electrici fluidi natura nos quaedam profudimus. Hujus autem cum magnetismo analogiam, fere perfectam, monstravit Clariss. CIGNA. Haud absque causa, igitur, orta est suspicio, Fluidi Ætherei, varias induti formas, quae mutuo in se agunt, atque phaenomena produnt, in orbe nostro perpetuo renovata.

24. IGNIS autem corporibus adhaerens (19.) affinitate varia, et ratione forsan simplicitatis  
suae

suæ fortiore, adficitur; adeo ut ab uno ad alterum pro affinitate majore, transferri queat. Salium quorundam, metallorum calcium, amantior esse videtur.

*a.* ATTAMEN ab aere maxima vi trahitur (28.), qui communiter menstrui, a natura parati, officio fungitur.

*b.* CALOR, ut solet, separationem atque novam mixturam maxime promovet; praesertim ubi a corpore fixo, admoto volatili, phlogiston abducatur.

*c.* HUMIDITAS etiam separationem promovet; atque iis fere suadet credere, qui ignem atque aquam naturali quodam odio diffidere docebant. Ubi acido praecipue tenetur phlogiston, putari potest, aquam, dum acidum adtrahat, vel laxata copula, vel exorto calore, vim aeris affinitatis expedituram esse.

AT nihil horum in metallis cernitur, quae humore tincta facillime ex aere trahunt rubiginem.

### III.

25. HIS rite applicatis, phlogiston separare valemus, atque in alia inferre corpora, utriusque colligere phaenomena.

A.



A. CORPORA, eo accepto, novas statim induunt formas; quae (communia si mittas quaedam) pro diversa cujusque natura variantur. Metallorum calces, splendorem, densitatem majorem, naturam non-electricam, &c. adquirunt. Aer, factus mephyticus, effectus edit novos et mirabiles; quibus occupatus animus eorum fontem plerumque neglexit. A phlogisto ortum esse, communi aeri admixto, sequentia suadent.

a. AER atmosphaericus, vi magna, phlogiston adtrahit. Hoc satis patet a mutatione quam metalla ex aere subeunt; haud magis certe ipsum nitrosum acidum eorum abripit phlogiston. Quaecunque autem sit humiditas, si prohibeatur aeri accessus, metalla nullam contrahunt aeruginem.

b. DUM vero, adtractione agente, phlogiston separetur, (a) semper aer, corpori circumdatus, mephyticus evadit; etiamque ubi nihil certe, praeter phlogiston, ei communicatur. Clare demonstravit Ill. MARGRAAF, phlogiston, atque acidum fixum, phosphorum urinae sola constituere. Dum phosphorus autem luceat, aer proximus fit mephyticus. Mutatio ista aeris haud provenit ab acido; siquidem ejus  
aliquid

aliquid in fumo evaporetur, nunquam se aeri admiscet; facile autem rursus colligitur, pondere potius auctum.

NOVIMUS autem phlogiston eparatum \*, corpori proximo adtrahenti statim adunari; aerem idem vehementer adtrahere; denique aerem eandem omnino mutationem suscipere, quandocunque phlogiston in eo separetur. Quis non credit, mutationem istam a phlogisto pendere?

c. EODEM tempore quo aer fit mephyticus, elasticitas ejus imminuitur; atque hi effectus pari semper passu procedunt; quod eandem amborum causam videtur indicare.

ELASTICITATEM vero imminutam a mixtione quadam pendere, monent phaenomena. Cum enim ascensus aquae, in vase, ejus gradum innuat; hic fit primo rapide, dein tardius tardiusque, donec omnino cesset.

EODEM modo, sale quocunque, partitis viciis, in aquam immisso, prima portio statim rapitur, altera tardius, tardiusque altera, donec nil amplius solvatur.

\* Quando calx acido soluta a metallo fuit praecipitata, semper ea cernitur metallica forma induta.

AT novo dein admisso aere, nova fit elasticitatis destructio ; hic enim aer phlogisto saturandus est.

d. CORPORA quae nullius phlogisti, praeter quod in aere suo mephytico conservant, indicia monstrant, metalla valent reducere ; veluti creta pura.

ATTAMEN phaenomenon, notatu dignissimum, experimentum comitabatur. Dum metallum reduceretur, per totum vas, in subtilissimas partes divulgum, spargebatur\*. Arguitur equidem vapor elasticus, ipso reductionis tempore natus. Num alius erat, quam aer mephyticus qui, amisso phlogisto, elasticitatem tunc temporis propriam adeptus est ?

e. SECUNDUM theoriam, copia phlogisti, in clauso vase separati, semper debet esse in ratione copiae aeris interclusi. Atque expertus est equidem Clariss. BECCARIA, cum limaturam stanni atque plumbi calcinationi in vasis hermetice clausis subjiceret, portionem tantum limaturae, ex admoto igne, in calcem redigi potuisse ; at eo majorem, quo vacui in vase spatii amplitudo major erat †.

\* Pott lithogeognosie, vol. I. p. 25,

† Comm. Taurinens. vol. 2. Diss. de causa extinctionis flammae.



OSTENDUNT alia experimenta, aerem citius mephyticum evadere, in ratione inversa voluminis et densitatis suae, atque directâ copiae phlogisti, quocunque modo separati \*.

26. MUTATIO autem aëri illata talis est, qualem videmus materiis simplicioribus, ex phlogisto addito, accidere.

*a.* SICUT metallorum calcibus, ita aëri quoque, majorem densitatem, pondus majus specificum, phlogiston attulit. Experimento quidem comperuit Clariss. Nobilisque Vir H. CAVENDISH, aerem mephyticum esse  $1\frac{57}{100}$  bus communi aëre graviorem. Num ab auctâ eâ densitate pendet imminuta elasticitas, seu absorptionis phaenomenon?

*b.* VIDETUR aer, ex electrico, phlogisto juncto, fieri non-electricus †; metallorum calces, ex ejusdem additamento, eodem modo mutantur.

*c.* AER, factus mephyticus, animalia suffocat. Acidum vitriolicum noxiam talem vim a phlogisto haurit admixto.

27. THEORIA autem suggerit experimentum, quod eam vel destruat, vel confirmet. Siquidem aer mephyticus tantum sit aer com-

\* Comm. Taurinens. loc. cit.

† Priestley on Electricity.

munis, phlogisto saturatus, in hoc praecipue differre debent: Quod aviditas ista phlogisti, in communi aere spectabilis, in mephytico prorsus nulla fiat. Naturam autem consule. Enimvero, metalla, aquae aere mephytico saturae immersa, nullam trahunt rubiginem \*; neque inflammatio in isto aere succedit.

ATTAMEN, habita istis fide, aer factus mephyticus, certissimum dabit signum phlogisti a corpore ei immerso liberati.

28. IN eum autem finem, ut certius detegeretur aeris hujusce compositio, duo instituta sunt experimenta: Quae, licet spem frustrabantur, haud omnino vana erant.

ACIDA nitri atque vitrioli phlogiston cum maxima arripiunt aviditate; atque, eo juncto, mutantur, hoc in volatile sulphureum acidum, illud in vapores rutilos elasticos, aquam pulcherrimo caeruleo colore tingentes. Sunt autem hae mutationes constantissimae, atque, cum sensibus clare pateant, minime fallaces.

a. AER mephyticus ex effervescencia cretae cum acido ortus, in vitrioli acidum, apta machina, introducebatur. Aer per liquorem aci-

\* Experimentum ab homine ingeniosissimo Robinson factum atque a professore Black citatum.

di fatis diu ebulliebat. Color ejus, ex limpidō paululum mutatus, ad fuscum vergebat. Calefactum vero deinde acidum, odorem sulphureum nullum manifestabat.

*b.* TENTABATUR idem experimentum cum nitri acido diluto. Nulla videbatur liquoris mutatio; licet idem, pauculo spiritus vini postea addito, in fumos statim erumpebat elasticos, caeruleo colore, eadem tempestate, ad aquam accersito.

29. AB experimentis quidem colligitur, primo, haud facile aliquid hoc modo sciendum esse, de iis quae ad mixturam hujusce aeris adtinent: Cum phlogiston ea retineatur pertinacia, ut haud alio corpore, nisi magno fortasse accedente (25. d.) calore, abstrahatur \*. Secundo, longe eos a vero aberrare, qui phlogiston

\* Quod phaenomenis caeteris apte fatis respondet, cum omnia magnam aeris cum phlogisto affinitatem indicent. Atque licet, eam ab affinitate nitrosi acidi superari, certa suadeant phaenomena, haud tamen expectes, aerem mephyticum, decompositionem, ex nitri acido, passurum esse. Suadent enim phaenomena, nitri acidum, phlogiston fortius adtrahere quam vitriolicum; nitri autem acidum, sulphuri admixtum, nullam infert decompositionem.

credunt



credunt esse aerem mephyticum\* ; quum corpora phlogisti amantissima aerem mephyticum vel non trahunt, vel nullam ab eo mutationem capiunt, vel non eandem certe quam phlogiston semper eis accersit.

*B. Phaenomena quaedam Separationis.*

30. SUNT ea maxime notanda, quae, aere agente, in aperto constant.

*a.* LUX, five calor, vel ambo simul, veluti in inflammatione, nascuntur.

PROBABILE olim fiebat, hos esse fluidi elastici affectus (9. &c.) quod elasticitate orbatum, aliique junctum materiae, phlogiston constituit (19. 20.). Quum vero lux, atque calor, dum phlogiston separetur, gignantur, in proclivi erit, eos in fluidum referre, rursus elasticitatem suam resumens.

FIEBAT quoque mentio nexus hujus fluidi cum electricitate, cum Solis radiis. Operae

\* All metallic bodies consist of a vitrifiable earth, and what the chymists call phlogiston, or probably nothing more than this mephytic air in a fixed state. Priestley on electricity, p. 600.

pretium erit inquirere paullulum, num analogia ista hic etiam subsistat.

EST autem observandum, lucem meram sensationem existentem ab affectu organi maximae sensibilitatis pendere; atque igitur parvulum tantum motum vel impetum rogare. De calore jam satis dictum (2. &c).

31. ATTAMEN ad facta huc pertinentia procedimus.

*a.* SOLIS radii, dum rariores, ex Luna, terram petant, dum per medium, minime resistens, transmittantur, lucem adferunt, minimum vero calorem.

ELECTRICUM etiam fluidum, in vacuo, ubi minus ei opponitur resistentiae, lucem gignit, atque copiosiore; haud vero calorem.

*b.* IDEM Solis radii, etiam in foco speculi densati, siquidem ad aquam directi fuerint, vix calorem proferunt; opposito vero corpore solido, opaco, statim maximum.

ELECTRICUM item fluidum, dum ex larga superficie, in filum tenue metallicum, collectum irruat, eum parit calorem, ut ferrum ignitum liquefiat.

32. Lux igitur, neque fluidi densitatem, neque resistentiam ei oppositam, requirit. Videtur

detur autem calorem utramque necessario postulare; atque, iis auctis, in eadem ratione increfcere. Unde autem istis opus, nisi ut actione atque reactione talis motus in fluido concitetur, qualis caloris effectus proferat?

33. FLAMMA quidem ab iis discrepat, cum aquae atque aeri, aequae ac solidissimo corpori, calorem impertiat: Quod indicat fluidum, etiam dum separaretur, eas adeptum fuisse motus conditiones quae (23. 32.) calorem faciunt.

Hi vero motus pendebant ab actione atque reactione, quae fiunt inter fluidum atque partes corporis a quo separatur. Nonne debent ea esse in ratione vis qua separationi resistitur, atque velocitatis ejusdem separationis? Ubi haec minima existunt, lux tantum debilis apparebit; his auctis, lux major calorque etiam oborientur.

34. NUM facta, vero, theoriae consentiunt? In tarda phosphori decompositione, separationi phlogisti minime resistitur, cum statim attactu aeris nascatur; velocitas etiam separationis est ipsa minima, cum ea, in parvulo frustulo, per plures dies duret. Solummodo lucem, in tenebris spectabilem (33.), oportet ergo fieri.

IN



IN inflammatione autem ejusdem phosphori separationi magis resistitur, cum haud nisi admoto (24. b.) calore succedat; atque velocitas separationis longe major, cum ea vix punctum temporis duret. Oportet ergo lucem, sub Sole spectabilem, caloremque etiam oriri.

35. PHAENOMENA igitur cum theoria conveniunt; atque servatur etiam analogia inter varias fluidi modificationes.

Ex aliis autem experimentis dubium fit, num hae modificationes a diverso solo pendent motu.

CREDO equidem me unam caloris atque lucis differentiam videre, qua fortasse plura eorum diversa profluunt phaenomena; nescio autem, an ad motus statum referri possit.

APPARET, lapidem Bononiensem, cum carbone rite praeparatum, a debili Lunae etiam luce phlogiston trahere; quod a magno, certe, haud accipit calore. Atque electricum fluidum, et Solis radii, quibus lux magis esse propria, calor autem potius accidere, videtur, facile phlogiston corporibus impertiunt; quod a calore, etiam intensissimo, haud aequè factum observatur.

AB ea differentia certius pendet diversus calor solutionum quorundam metallorum, a caloris ac a lucis Solis actione. Nonne ab ea quoque partim profluunt diversa caloris atque lucis, quoad vegetabilia, phaenomena?

36. CUM separationis velocitas in gradibus fere infinitis existat, phaenomena ejus longe varia occurrunt. A metallo aeruginem tarde contrahente, ad flammam aere vehementer agitatum, longa porrigitur scala.

DISTINGUITUR autem inter proximos gradus. Phosphorus lucet et in frigore, et in calore, quae diversis temporibus atmosphaerae accidunt: Eo autem clarius, quo tempus calidius. Arguit phaenomenon velociorem separationem; novimus autem calorem imprimis separationem promovere.

37. PHOSPHORUS autem splendidius lucet in vacuo recipiente. Oportet ergo credere, aerem rarissimum factum separationi phlogistii favere. Candela autem in vacuo statim extinguatur. Num separatio hoc casu reprimatur, illo promovetur, eadem existente causa?

ET ENIM, phlogiston nunquam ad separationem allicitur, nisi adsit corpus adtrahens;   
cujus

cujus officio aer hic quidem fungitur. Inventum est etiam, eo majorem copiam aeris requiri quo plus esset phlogisti (25. e.) separandum. Spectanti vero diversam separationis celeritatem, haud mirum videtur, phosphorum lucere, ubi candelae flamma statim extinguatur.

38. DEINDE, flamma majorem vult resistantiam separationi oppositam; vimque ergo majorem separantem postulat (34.), auctum scilicet calorem. His vero crescentibus, ipsa fortior evadit.

TARDIOR autem separationis species resistantiam ponit imminutam (34.); ea nata cum ea quoque crescit; fit ergo major, remota atmosphaerae pressione.

39. VIDETUR equidem phaenomenon adminiculum novum theoriae (19. 30.) ministrare. Est enim satis notum, pressionem corporibus elasticitatem adepturis resistere; unde aer, in vacuo recipiente, e variis elicetur materiis, atque fluida ibi, minore caloris gradu, sunt vapores.



## IV.

40. ATTAMEN jam videamus, num operationes quaedam naturales, calore genito insignes, ab iis quae supra diximus, faciliores fiant captu.

SEPARATIO autem phlogisti, hucusque minus considerata, ad ipsam inflammationem explanandam vix rite applicata, a nobis fortasse saepius appellanda erit. Novimus enim phlogiston, variis corporibus admixtum, ab aere circumfluente, perpetuo ac vehementer quidem (25. a.) ad *separationem* sollicitari.

PHAENOMENA nos ad causam ducent. Siquidem ea phlogisti separationi maxime convenient, haud ab alia origine effectus repetemus. Num alio utimur investigationis modo, dum causae, quatenus causae, nunquam appareant, solummodo, phaenomenis ad eas constanter pertinentibus, indicantur?

*De Putrefactionis Causa.*

41. PUTREFACTIO, a Clariss. viris nuperime tractata, atque experimentorum luce clarescens,

rescens, jam magis, pro dignitate sua, phycos occupat. Quin etiam natae fuerunt ejus causae theoriae; intempestivo vereor partu, neque diu igitur victurae. Ecce editur altera, idem fortasse fatum obitura.

42. CERTISSIME causam proximam detegimus, ubi, perspectis principiis cuidam effectui necessariis, videmus ea apte in unam finem convenire. Attamen nil dubii manet, siquidem phaenomena collata, eandem, ac principia, causam arguant. Cum causa enim a principiis, phaenomena a causa profluant; hac vel altera via quaerentes, ad eundem ducimur terminum.

Hoc modo investigando, caloris causam olim inveniemus, principiis ejus paullo intimius cognitis, atque phaenomenis cum istorum effectu comparatis.

43. PRINCIPIA autem putrefactionis facilius adtingere valemus, etiamque eorum effectum, credo, definire.

SUNT equidem calor, humor, atque aer. Jam vero demonstratum est, haec omnia (24. a. b. c.) phlogisti separationem imprimis promoveri: Priora, dum phlogiston quodammodo amixtis

mixtis deturbent; alterum dum idem ad ipsum trahat.

NUM caufis, hoc cafu, effectum a communi alienum tribuemus? Haud neceffe eft, cum phaenomena quoque feperationi phlogifti maxime conveniant.

44. Ad speciem tardae feperationis potius adtinet, cum, in communi atmosphaerae calore, modico tantum humore adjuto, succedat. Varios ergo hujus gradus (36.) in fe admittit; atque phaenomena, eadem lege, varia occurrunt.

ALIQUANDO lux videtur; calor autem adeo modicus, ut negaret omnino Clariff. BEAUMET calorem putrefactione pari. Alias vero ad inflammationem ufque excitatur calor.

45. OPORTET talem feperationem (38), remota preffione, promoveri: Atque revera putrefactio, in rariore aere, celerius progreditur. In rariffimo autem, ubi phosphorus lucet, ipfa extinguitur; fatis enim calore orto indicatur, feperationem (34.) in putrefactione longe effe celeriolem; adeoque majorem copiam (25. e.) aeris requiri.

46. PHLOGISTON effugiens (25. b.) materiis proximis adtrahentibus jungitur, novaque profert corpora.

i. Va-



*a. Vaporem inflammabilem.* Eo quidem comite, hic ultimus fermentationis gradus ab aliis praecipue distinguitur. Vaporem autem ejus simillimum esse, quem metalla, dum acidis solvantur, dimittunt, experimenta ostendunt Clarissimi CAVENDISH. Hunc vero pendere a phlogisto metallum linquente, nemo, credo, negabit. Namque, eodem temporis puncto quo vapor producitur, metallum in calcem vertitur.

47. VULT etiam Ill. Auctor, vaporem ipsum esse phlogiston. Vapor autem, quamvis levissimus, aliquid habet ponderis: Metallum vero, phlogisto amisso, ponderis (21.) incrementum potius obtinuit.

DEINDE, phlogiston haud ipsum inflammabile esse videtur; licet, eo juncto, corpora plerumque inflammabilia evadant. Immo satis est credibile, aerem inflammationi fovendae aptum natum, solo phlogisto addito, ei extinguendae parem fieri (25. *a. b. &c.*) Potius credam phlogiston, iis corporis partibus, quae maximam habent volatilitatem, vel eam facillime suscipiunt, adjunctum, vaporem constituere.

48. VAPOR inflammabilis, metallorum solutione natus, e phlogisto, cum aqua coeunte, exoriri videtur. Nullus equidem obtinetur, dum acido vitrioli forti vel nitroso solvantur. Ex nimia enim phlogisti cum istis acidis affinitate, statim cum eis una rapitur; sub forma acidi sulphurei volatilis (28.), vel rutilorum nitri acidi vaporum. Aqua autem addita, vehementia, qua vitriolicum phlogiston adtrahit, reprimitur; muriatico, hoc respectu, similis factum, velut illud, aquam solummodo phlogisto suppeditat.

HAUD igitur miramur, vaporem nequaquam discrepare, quocunque usi sumus acido \*; diversa enim acida eundem praebent humorem.

49. IMMO omnia quae flammam monstrant corpora, similem dum comburantur dimittunt vaporem. Semper enim ea aquae aliquantulum tenent, cum qua phlogiston, calore admoto, in elastico levatur vapore. Ex vaporis autem conica superficie, aere circumfluente, separatur phlogiston, colorem lucemque ministrans.

\* Paper by H. H. Cavendish, philos. trans. A D. 1766.

50. *b. Aerem mephyticum.* Ex iis quae de ortu ejus (25. *a. b, c.*) olim diximus intelligitur, quomodo, hac etiam separatione phlogisti, nascatur. Parva autem copia, putrefactionem istum aerem generare, tum ab experimentis colligo Ill. CAVENDISH; tum ex eo, quod acceleretur in aere clauso putrefactio. Hoc minime fieri oporteret, siquidem aer mephyticus, antisepticorum facile princeps, circa corpus cumlaretur. Atque phaenomena etiam indicant, phlogisti maximam saltem partem haud puram adeo ac in inflammatione effugere.

51. MIRA denique materiae inducitur mutatio: Partes volatiles activae omnes dissipantur; quae propriam corpori naturam fecerunt, evanescunt, nihilo manente, quo a vulgari materia distinguatur. Statim nexus phlogisti cum vi cohaesionis recordamur (15.); atque in mentem occurrit inflammationis analogia, ubi celeriore phlogisti separatione, in puncto temporis, eadem fiat destructio, quam natura tardo, aliquantulum diverso, procedens gradu, putrefactione tandem accersit.



52. JAMPRIDEM notaverat sagax ille rerum observator Ill. LIND, metalla aeruginem subito contrahentia, certissimum dare signum infaustae coeli intemperiei, morbos putridos, cum magna strage, editurae. Videmus equidem, effectus stricte inter se junctos ex eadem causa profluere.

53. SECUNDUM theoriam, debet aër mephyticus putrefactionem sistere \*; cum separatio-

nem

\* Effectus corporum inflammatorum, in contagiis variis expugnandis, pendet fortasse partim a copia, quam reddunt, aeris mephytici.

Nonne exinde intelligitur, quare pulverem pyrium caeteris, vi ista, antecedere invenit Clariss. Lind? Namque ea pulvis magnam hujus aeris copiam in se cumulatam conservat.

Hoc iis absurdum forte videbitur, qui mephytim, contagia, vaporem inflammabilem, sub uno mali aeris nomine, confusim miscent.

Narravit equidem laudatus Lind, aerem tam pravum, in parte cujusdam navis infima, ubi aqua stagnat, innatum fuisse, ut qui ibi descendebant statim suffocarentur. Attamen, quasi mirum addit, nautas meliore quam solita valetudine, hoc tempore, gavisos esse \*.

\* Lind, means of preserving the health of seamen, p. 113.

Enim-

nem phlogisti semper reprimat (27.) in inflammatione, &c. Separatione vero coercita, phaenomena ab ea pendentia, seu propria putrefactionis signa, necesse est disparere.

Hoc factum, aliae theoriae, veluti solum quoddam et fundamentum posuit celeberrimus auctor\*; quae ingeniosa quidem, licet phaenomenis minus consentanea, utilissima quaedam inventa protulisse videtur. Id equidem alias accidit hypothese a vero quam maxime alienae; quod hujusmodi figmenta, cul-pae saltem debet liberare.

54. QUINETIAM id egit, nimis credo temere, uti vim variorum septicam atque antisepticam, ex hypothese, claram reddere videretur.

NECESSE erat, cum lato tali spatiaretur campo, plura ratione ficta, experimento minime comperta, profundere. Neglectis aliis, ad ea tantum corpora, quorum actio hypothese speciatim subiecta apparet, paulisper attendamus.

Enimvero, effectibus ejus demonstratur aerem fuisse mephyticum, cujus natura antiseptica morbis, quibuscum nautae plerumque infestantur, est quidem potius inimica.

\* M'Bride's essays.

55. NUM ex ea ratio ulla est, terram calcaream, quae aere mephytico fere saturatur, putrefactionem accelerare ; dum salia alkalina, aeri attrahendae plerumque apta, eam prohibeant ? Vel melius intelligitur, quare eadem terra calcarea, in calcem vivam conversa, aeremque avidè trahens, nunc demum putrefactionem praevenit ? Ait equidem Vir Clarus, aerem mephyticum, calcarea terra attractum, adeoque circa corpus retentum, putrefactioni obstare. Num aer vero proprias suas dotes hac forma conservat ? Num candelas extinguunt, seu vi gaudet antiseptica, donec a vinculo liberetur ? Siquidem haec velis credam, dic mihi, unde accidit, quod, inter pauca quae putrefactionem promoveant corpora, emineat terra calcarea, aere mephytico gravida ?

56. ATTAMEN alkalia etiam caustica, atque acida, impetum putrefactionis jam grassantis reprimunt, foetorem extinguunt, &c. Num aerem mephyticum suppeditant, quae corpora isto aere semper spoliant ? Hoc titulo relicto, alium praetendit Clariss. Auctor. Alkali putridum, vel neutrum faciunt, vel corpore expellunt. Foetor autem, num a solo alkali pendet ? Experimenta ostendunt, foetorem

F

manere,



manere, alkali toto evaporato, immo incrementum \*.

*Quaedam de Caloris Animalium Causa.*

57. VIVENTIBUS hoc commune est, a certo caloris gradu suam vitam pendere. Gradus equidem in diversis longe varius occurrit, in iisdem semper accurate definitus.

QUOAD vegetabilia, hoc idem TOURNEFORTIO, montem Ararat adscendenti, pulcherrime fuit ostensum. Circa radices montis, florescebant plantae Armeniae propriae; paullo altius progressus, recognoscebat suae Galliae propaginem; altius adhuc Suecicis occurrit herbis; in summo vero culmine, iisdem quae montibus Helveticis, atque Lapponicis, passim germinant.

ATTAMEN, respectu caloris, majorem ferunt latitudinem, subsistente vita, vegetabilia, quam animalia.

58. VIDETUR isthuc pendere ab inferiore vegetabilium vitae natura. Namque inter

\* Gaberi act. Taurin, v. I.

insecta,

infecta, ova atque nymphae perferunt frigus, quod ipsa certe animalia statim extingueret: Atque etiam hirudines, aliaque calida animalia, sub magno frigore, sensu fereque motu orbata, vitam vegetabili proximam adhuc retinent.

59. SENSUS, ergo, motusque pendent a certo calore; haud oportebat igitur animalia, iis prae caeteris viventibus ornata, atmosphaerae variae et mutabili semper subjecta relinquere.

HINC facultatem animalibus caloris generandi natura concessit; cujus causam etiam efficientem nunc volumus inquirere.

60. NATURAE simplicitati maxime convenit, effectus inter se proxime junctos ab eadem ducere causa.

SENSUS atque motus animalia ex vegetabilibus praecipue distinguunt; eodem modo, calor animali proprius.

QUAE ambigunt inter ista regna, priorum indicia obscura aequae ac caloris praebent innati.

DEFICIENTE calore, deficiunt sensus motusque; perduto, pereunt.

61. QUAE autem vis illa animalis, qua pendent sensus motusque phaenomena? In nervis habitare, certa facti fide, dicimus. Caetera  
sunt

sunt magis dubia. Attamen fatis est credibile, phaenomena haud solidae esse nervorum materiae, at fluidi potius ei inditi; immo, hoc fluidum esse aethereum, vel aliqualem ejus modificationem.

62. HAUD miror equidem, cum clarissimis viris, fluidum aethereum nervis fuisse junctum; quum credam me idem videre variis ludere imaginibus, atque varia proinde phaenomena daturum, ad diversa corpora pertinere.

NEQUE miror fluidum haud statim ex nervis per omne corpus diffundi; quum idem aspiciam, alia quidem facie, in externa tenuissimi vitri superficie accumulatum, neque in internam ejusdem superficiem vagari.

VALDE autem mirarer, spectatis variis phaenomenis, quae speciem prae se vis magis actuosae ferunt, atque iisdem cum maxima verisimilitudine ad hujusmodi fluida relatis; siquidem ea, in animale obvia, prae caeteris activa, ab alio essent fonte derivanda.

63. PHYSICI in universum credunt, sensationem ex mutatione corporea pendere; mutationem vero in motu quodam excitato consistere. Lux autem debilissima, num in alium, praeter



praeter mobilissimum fluidum, atque suae indolis particeps, motum inferre queat?

ESTNE alia materia, quae omne visum fugiens, statim mentis nutu, cum velocitate nullam mensuram capiente, tantos edat effectus?

QUUM vero in fibras irruat musculares, vis cohaesionis formam sumit. Longe majus sustinetur pondus, quam vi sola mortua; neque rumpuntur fibrae. Num dubitamus autem, an vis cohaesionis ad fluidum tale attineat (23.)?

DENIQUE nexus caloris (60.) cum principio sensus motusque, qualem vidimus cum principio electricitatis (12. 13.), aliisque fluidi modificationibus (64.), idem tuadet.

64. His positis, liceat quaedam olim comperita reponere; calorem, scilicet, esse talis fluidi affectum (9. &c.), varias fluidi modificationes, electricitatem, Solis radios, phlogiston \* (31. 33.), rebus opportunis circumstantibus, calorem dare.

CUR non haec etiam modificatio, quae nervis habitat, in eodem statu sita, certis fortasse motibus agitata, eundem proferat calorem?

§ ENIMVERO, pulcherrima est hypothesis; at-

\* Vim etiam cohaesionis (23.)

quæ lucem adfert pluribus phaenomenis, satis aliter obscuris.

IN re autem incerta, liber adhuc patet theoreticis campus. Orta est equidem altera theoria, materiae (40.) quam tractabamus strictius devincta; cujus igitur fundamenta jam adtingere aggredimur.

66. QUUM, in diversis animalibus, calor longe varius occurrat, oportet id imprimis in animale inquirere, quicum tali modo necitur calor, ut, eo mutato, ipse eadem variet ratione.

67. Ex observatione animalium caloris, licet neque universim neque ad amussim facta, hoc tamen possumus colligere, gradum unicuique proprium, stricto vinculo, cum statu respirationis qui eidem obtigit conjungi. Fortasse satis id patet; ex conspectu eorum quae aquam saepe habitant, adeoque communi vitae ratione caeteris similiora evadunt. Quaedam aequæ ac ipsum hominem etiamque magis calida deprehendimus; frigidiora alia; aliaque frigidissima. Facile autem aliud ab alio, spectatis solis apparatu usuque respirationis, distingues; seu phocarum fit; aut testudo

testudo, vel rana ; five unus branchialium piscium.

INDE, puto, ortam esse clariss. virorum sententiam ; calorem, scilicet, animalium cum rubra sanguinis parte arctissime jungi. Globulorum enim, in diversis animalibus, copia maxime cum statu variat respirationis, atque ratione quadam definita. Parciores in amphibis sese obfert, quam in mammalibus ; parciores adhuc in piscibus qui branchiis aquam captant ; parcellissimam vero in iis qui, dum aquam simul respirent, arbitrario etiam utuntur pulmone \*.

68. INTER infecta, apes equidem, plurimis in unum confertis, faciunt ut thermometer ad humanum usque gradum adscendat. Pulcherrimo vero respirationis apparatu apes instrui, anatomia demonstrat ; quem facile eodem exercere videbis.

69. SIQUIDEM ea objiciantur, quod neque definitum respirationis gradum, neque eum rite cum caloris gradu conferre, in omni animalium genere, exacte scimus, adminiculatur huius altera observatio.

\* Prælect. anatom. Clariss. Monro.



FOETUS in utero nullum generat calorem; quum aptum enim gradum a matre accipiat, siquidem novus in semetipso oriretur calor, haud dubio tenerum animal suffocaret. At tamen, statim ac in lucem edatur partus, novo caloris generandi negotio par ipse cernitur. Num magna autem ulla accidit hoc tempore mutatio, praeter initium factum respirationis?

70. HIS positis, siquidem nobis obvia esset causa caloris, in ipsa respiratione agens; nonne ab ea causa calorem animalium cum magna verisimilitudine repeteremus?

FIT autem separatio phlogisti in respiratione; namque aer inspiratus effugit mephyticus (25.), veluti ab attactu corporum inflammatorum.

71. CREDIDERUNT aliqui, aerem e pulmonum superficie, veluti e creta cum acidis effervescente, mephyticum oriri; atque aerem inspiratum ei abripiendo, tanquam vehiculum, inservire. Hoc minus esse verum, arguitur diversis phaenomenis effervescentiae atque respirationis, in aere gestarum intercluso.

PRIOR equidem aerem semper generat; altera, sicut inflammatio, semper aerem absorbere

bere videtur \*. Imago vero absorptionis pendet a phlogisto (25. c.) aeri admixto.

72. OPORTEBAT igitur aerem, ex respiratione, citius mephyticum evadere (25. e.), in ratione directa numeri animalium interclusorum, atque inversa capacitatis vasis †.

73. SEPARATIO, in profundo pectore facta, nullam monstrat lucem; varios autem, pro varia ejus copia et celeritate, caloris gradus. Celeritatem separationis cum gradu caloris animalis arcto nodo necti, ab uno forsitan patet exemplo. Ranae diutius longe vivunt in aere intercluso quam aves, sicut passerres. Ex eo autem pendet, quod aer citius ex avibus eam contrahat mephytim, quae omnibus animalibus est aequae lethalis: Necessè autem erat celeritatem hujusce mutationis (25.), in ratione esse celeritatis separationis; cum ab ea profluat.

VIDETUR etiam aerem cum planta vivente interclusum † mephyticum tandem evadere; post longum vero temporis spatium, arguens quam lenta nascatur separatione; unde nullus igitur (31) calor exoritur.

\* Hales passim.

† Comment. Taurinens. l. c.

‡ Hales Exp. 122.

74. SEPARATIONEM minus esse celerem in respiratione, quam in inflammatione, calor indicat major (33.) hac ultima natus. Haud miramur igitur (25. e.) aerem, quae flammam extinguit, respirationi paulisper adhuc infervire. Ludebat autem istud experimentum Clariss. Auctorem, adeo ut, vaporem qui flammam extinguit, alium ab eo esse qui animalia suffocat, suadere velit \*. Alia autem apposuit hypothesis adminicula; veluti, flammam quorundam corporum, magis quam aliorum, esse animali lethalem; spiritus vini flammam minus nocere, carbonum ligneorum maxime.

75. DIFFERENTIA ista, vel a diversa copia aeris mephytici, communi aeri in inflammatione admixti, vel a causa pendet (76.) jamjam memoranda.

SEPARATIO phlogisti tardior est in spiritu vini ardente; quod ex debiliore patet (33.) flamma; adeoque copia aeris, mephytici facti, (25. e.) longe minor.

DEINDE carbones, praeter vitium, quod aequae ac alia inflammata aeri accerfiunt, magnam insuper aeris mephytici copiam, dum

\* Comment, Taurinens. l. c.



comburantur, dimittunt. Convincunt enim alia experimenta, hunc aerem partem eorum magnam constituere.

76. AIR etiam, quaedam inflammabilia animal suffocare. Enimvero, aer mephyticus, dum subitum inferat lethum, praecipue in nervos agit, modo quo iidem a pluribus aliis corporibus adficiuntur; quae vel inflammabilia possunt esse, vel cum inflammatione nullo modo necti. Hinc flamma sulphuris recte ab auctore inter perniciosas ponitur, cum acidum sulphureum volatile ubertim diffundat.

77. VIDETUR etiam aerem mephyticum vegetabilium vitam extinguere \*. Num ea quoque nervosum habent systema; quod, a nexu caloris cum principio vitae vegetabilis, atque etiam electricitatis, aliisque phaenomenis, fortasse suspicandum foret; vel alio modo, sicut, prohibita fermentatione, potius adficiuntur?

78. FACTA quaedam notissima, veluti calor a velociore sanguinis circulo auctus, atque mutata vice, imminutus, calorem anima-

\* Hales, *l. c.*

lium ab attritu sanguinis pendere, plurimis clariss. viris persuaserunt.

79. RES licet confessa et manifesta sit, respuimus tamen theoriam; quum ignoretur ullum exemplum caloris a tritu orti ejusmodi, qualis in vasis accidit animalis. Factorum igitur nexus cum alia caloris causa inquirendus est.

1. CUM prima hypothese satis conveniunt; auctus enim fibrarum motus velociorem circum semper comitatur.

2. ÆQUE vero cum separatione phlogisti consentiunt; quum respiratio atque motus sanguinis ea lege nectantur, ut, in univ-  
sum, simul augeantur, simulque etiam im-  
minuantur.

80. OBSERVANT olim alii, singularem calorem inter et respirationem nexum; atque eum vario modo tentarant explicare chemici atque mechanici. Solus autem potuit illustris noster Chemicus, natura phlogisti plenius indagata, rem simplici atque luculenta theoria comprehendere. Enimvero, quaecunque de materia ista pulchra protulimus, ab eo derivantur. Felix, cui liceat

——— *Integros accedere fontes,*  
*Atque haurire !*———